



Kimeandikwa na Jon na Judith Witt

Jinsi ya kupenda na
kutumikia kijiji kupitia injili

Penda Kijiji Chako

Penda Kijiji Chako

Jinsi ya kupenda na kutumikia kijiji kupitia injili

Somo hili lenye vipindi 10 limekusudiwa kuwasaidia wale wanaoishi vitongojini mwa Afrika kupenda na kutumikia vijiji vyao kwa Injili.

Kimeandikwa na Jon na Judith Witt

Toleo la 4, kimetolewa upya, Aprili 2020

Penda Kijiji Chako, Toleo la 4, Aprili 2020

Hakimiliki © Jon na Judith Witt na Dignity, 2020. Haki zote zimehifadhiwa.

Wasiliana naDignity

Sanduku La Posta: 6 Barlow Moor Road, Didsbury, Manchester, M20 6TR, UK

Barua Pepe: hello@dignityonline.org.uk

Nambari Ya Simu: +44 (0)7340 573 937

Shukurani

Dignity inamshkuru Yesu kwa uzima anaotupa ili tujifunze masomo ya kitabu hiki.

Dignity inamshukuru kila mmoja na inaamini wote waliochangia kufanikisha kazi hii.

Kazi ya Dignity

Dignity inashirikiana na wale walio katika viunga vya jamii na inajitoa kubadilisha maisha na jamii kwa kuleta uhuru kutoka kwa umaskini kupitia uhusiano na Yesu. Tunafanikisha hili kimsingi kupitia Vikundi vya Maisha, makundi ya Kikristo yanaayoongozwaa na watu wa vijijini, vikundi vinavyowawezesha watu kutembea karibu na Yesu na kuonyesha upendo kwa wale walio karibu nao. Kupitia juhudzi za kazi zetu tumeona watu wakiishi maisha ya ajabu na wakiwa sehemu ya miujiza ya kila siku. Kwa mengi zaidi tembea tovuti www.dignityonline.org.uk

Timu ya Penda Kijiji Chako

Waliokisanifisha: Kate Germany, Robert Nettleton, Isaac Mbabazi & Clare Myring

Michoro: Amani Brown

Vifungu vya Biblia

Swahili Union Version (SUV): Hakimiliki -1952, 1997: kwa: Chama cha Biblia cha Tanzania na Chama cha Biblia cha Kenya. Haki zote zimehifadhiwa.

Ishara Elekezi

Ishara Elekezi zimetengenezwa na Metro Icon Studio ya 5 na kuchapishwa na SyncFusion. Ishara zimetumika kwa idhini.

Kuhusu ‘Penda Kijiji Chako’

Penda Kijiji Chako ni kitabu chenye vipindi 10 vya mafunzo yanayokusudiwa kukusaidia wewe pamoja na kikundi cha marafiki katika kijiji chako, jinsi ya Kupenda Kijiji Chako kwa vitendo, kuititia Injili. Kitabu hiki kitakusaidia kujua kwa nini unahitaji kuhusika katika jamii na kukusaidia kufikiria namna ya kufanya hivyo. Bibilia inatupa maoni ya muhimu ambayo tukiyajadili kwa pamoja na kuyafanya kazi yatatusaidia kubadilisha maeneo tunayoishi.

Kuhusu kitabu hiki

Kitabu hiki ni sehemu ya kundi la Kikristo linaloenea na kuongezeka katika mataifa. Wakristo na jamii katika vijiji wanaletwa pamoja kujifunza Bibilia, kukuza uhusiano wao na Mungu na kujifunza jinsi ya kuleta mabadiliko katika maeneo wanakoishi.

Waandishi wa mafunzo haya wanaamini badala ya kuleta watu na rasilimali kutoka nje, mara nyangi watu na rasilimali zinazohitajika kuleta mabadiliko katika vijiji vya bara Afrika zinapatikana ndani ya vijiji hivyo.

Tunaamini kuwa watu hawa watakuwa ‘Miti Mikuu ya Haki’ katika jamii zao wenyewe na kwa marafiki pia. Tunataka tu kupanda ‘Miti’ mingi iwezekanavyo na kuwasaidia kukua kadri iwezekanavyo.

Kuhusu waandishi

Jon Paul Witt na mkewe Judith kwa sasa wanaishi Mkushi, Zambia Pamoja na watoto wao watatu. Wanaongoza shirika linaoitwa Dignity lililopo Zambia na Uingereza. Jon amefanya kazi katika mataifa mengi barani Afrika na kama mwinjilisti Uingereza. Jon amefuzu na kupata Uzamili katika Theolojia. Hapo awali alifanya kazi kama Mhandisi wa Programu.

Judith ni Daktari, mama wa watoto watatu. Amefanya kazi miaka mingi Uingereza kama Daktari wa Jumla na pia amefanya kazi katika maitaifa mengi barani Afrika katika mashirika mbali mbali ya kimisheni.

Wote wawili wana mzigo wa kuhakikisha bara Afrika limebadilika kupitia nguvu za Injili wakifanya kazi kwa ushirikiana na wale wanaoishi katika vijiji, Mazingira na maakazi tofauti bara Afrika.

Kuhusu Dignity

Shirika la Dignity liliundwa na Jon na baadhi ya marafiki mwaka wa 2007 na akajitolea kusaidia makanisa na jamii zilizopo bara Afrika kukua katika kumfahamu na kumpenda Mungu. Tunaamini, watu wanapofanya hivi, wanaanza kusonga mbele kwa tumaini, ujasiri na upendo kuleta mabadiliko yatakayoonekana ulimwengu.

Upendo wa Mungu na mageuzi huleta mabadiliko ndani ya mioyo ya jamii pamoja na watu binafsi. Lengo la Dignity ni kupanda kile ambacho Bibilia inakiita ‘Miti Mikuu ya Haki’ katika kila kijiji barani Afrika. Tunaamini watu hawa watakuwa wale ambao Mungu anawatumia kubadilisha na kuboresha maisha ya kila mmoja katika maisha ya sasa na ya maisha ya milele.

Hilo si lengo ndogo na tunapaswa kuhakikisha kuwa linatimia.

Yaliyomo

Jinsi ya kutumia kitabu hiki	1
Kulinda watoto wetu tunapokuwa katika Vikundi vya Maisha	6
1: Upendo wa Mungu	8
2: Upendo wa Mungu Huchukua Hatua.....	14
3: Wewe ni Mwana wa Mungu	22
4: Toeni kama Kanisa la Makedonia.....	30
5: Kazi ya Mungu Katika Kijiji Chenu	37
6: Maneno Pekee Hayatoshi	46
7: Mungu Hututimizia Haja Zetu.....	54
8: Imani - Tunahitaji Kuamini	61
9: Kutumia Vipawa Vyako	69
10: Upendo wa Mungu Husambaa	76

Jinsi ya kutumia kitabu hiki

Kitabu hiki kimetengenezwa ili kitumike katika mafunzo ya kikundi. Ni kiongozi wa kikundi tu anayehitaji nakala ya kitabu hiki. Hakikisha unakamilisha kila kipindi kwa muda wa saa moja na nusu mpaka saa mbili. Ukitambua unahitaji muda zaidi basi unaweza kukamilisha kipindi kimoja kwa muda wa majuma mawili.

Tunaamini unapoendelea kujifunza katika jamii utakuwa na mawazo na maoni ya vitu unavyoweza kufanya katika Kijiji chenu. Tunakuhimiza uendelee na ufanye mambo hayo kwa ushirikiano na wale wanaoweza. Kijiji chako kinaweza kubadilishwa na wewe ukishirikiana na marafiki wachache na familia. Mkiwa na Mungu mnaweza kufanya mambo ya ajabu kwa kila mmoja Kijijini kwenu.

Jinsi ya kuongoza kipindi

Ni muhimu kuhusisha kila mmoja katika kipindi. Haifai kuwasomea watu somo na kuwaambia wanahitajika kufanya nini. Tunaamini kila mtu anao mchango na kitu cha kipekee cha kuchangia na kuwa Mungu anatufunza kupitia wale walio karibu nasi. Kwa hivyo, vipindi vimeandikwa kwa njia ya kumhusisha kila mmoja. Kuna vifungu vya Bibilia, maswali, michezo ya kuigiza, hadithi na majidala ambayo itawezesha kila mmoja kuchangia.

Kama kiongozi wa kikundi unapaswa kuongoza mazungumzo na kuhakikisha yanafuata mwelekeo wa sawa, ila huhitajiki kufanya kila kitu mwenyewe.

Unapaswa kuwashimiza watu waoga na wanaokaa kimya kuchangia na kuongea wanapoweza. Unahitajika kuwashauri wale waliochagamka na wanaochangia sana kupeana nafasi kwa wengine ili watoe maoni yao.

Vitu unavyohitaji katika kila kipindi

Vipindi hivi vimetengenezwa ili viwe na urahisi pasipo kuhitaji rasilimali nyingi. Utahitaji:

- Nakala ya kitabu hiki kwa kiongozi wa somo
- Bibilia (ni muhimu na inafaa sana ikiwa watu kadhaa wataleta Biblia ijapokuwa si lazima)
- Kalamu na karatasi zitakazotumika katika mazoezi. Himiza watu waje nazo kutoka nyumbani.

Iwapo vitu vingine vitahitajika, utaelezwa mwanzoni mwa somo. Utahitajika kuandaa vitu hivi kabla ya somo.

Ishara za kukusaidia

Kukusaidia kuongoza kipindi cha somo tunajumuisha ishara zitakazokufahamisha kila sehemu inahu nini. Ishara hizi zimeonyeshwa hapo chini na maana zake. Chukua muda kuchunguza na kujua kila ishara ina maana gani na kuangalia masomo machache ili kuona jinsi zilivyotumika. Hii itaraphisisha kuongoza somo.



Lengo

Kila sehemu inaanza na lengo. Hii inatuelekeza katika somo na kile ambacho kila mmoja anafaa kuelewa mwishoni mwa kipindi. Lazima uzingatie malengo haya na ujiulize iwapo unawasaidia watu kuyafikia. Ni wazo zuri ukianza kwa kuwalishwa wanakikundi.



Kifungu cha Bibilia

Kila mmoja anapaswa kujifunza kifungu cha Biblia na aweze kukikariri mwisho wa somo. Unahitaji kuwafunza kusoma kifungu cha Biblia na kunukuu kwa sauti kwa wanakikundi. Soma tena lakini wakati huu soma pole pole, vipande vifupi vifupi na uwahimize wanakikundi wasome kila kipande baada yako. Rudia mtindo huu, pole pole ukiwasomea vipande virefu huku wanakikundi wakirudia kila kipande mpaka kila mmoja atakapokariri kifungu kizima pasipo

kuwasaidia. Wahimize baadhi ya watu wajaribu na kurudia wenyewe pasipo msaada wowote.



Hadithi

Hadithi ni njia mwafaka na bora kabisa ya kutambulisha masomo na kujifunza kutoka kwa mambo yanafanana. Kila mtu hupenda kusikiza hadithi na zinakumbukwa kwa wepesi! Unaposimulia hadithi kwa kikundi, jitahidi kuzifanya hai kwa kuweka maigizo. Ikiwa kuna mtu katika kikundi aliye na uzoefu wa kusimulia hadithi, itakuwa vizuri kumwomba asimulie hadithi. Utahitajika kuwaeleza mapema ili kuwapa muda wa kutosha kujiandaa.



Maarifa ya Biblia

Kila kipindi kina angalau Hadithi moja ya Biblia, ya kusoma. Vipindi vingine vina hadithi zaidi ya moja. Ikiwa kuna wasomaji wazuri katika kikundi unaweza kuwaomba wakusomee. Waambie mapema au kabla ya somo ili wajiandae kwa kufanya mazoezi au waweze kukataa. Kumbuka kuwa baadhi ya watu hawajui kusoma kwa hivyo kuwaomba wasome mbele ya watu wasipoweza kusema la kunaweza kuwadhalilisha.



Kuongea

Kuna sehemu ambazo zinahitaji kusomwa kwa nguvu kutoka kwa kitabu. Unapozipitia nafaa kupumzika baada ya muda mfupi, hasa baada ya hoja muhimu, na uwaulize ikiwa wameelewa kile unachosema. Iwapo hawakuelewa utahitajika kurudia sehemu au kujadili jambo kuwasaidia waelewe.



Mjadala

Kujibu maswali na kujadili vitu kunawasidia watu kujifunza na kuvumbua vitu wenyewe. Hili linawasaidia kukumbuka. Unapoona ishara ya swali ni muhimu kuuliza wanakikundi swali na kuhimiza

watu wengine kutoa majibu. Nyakati zingine maswali ni ya kujadiliwa katika vikundi vidogo vidogo. Somo likikuelekeza, unapaswa kugawanya watu katika makundi ya watu 3 au 4 na kuwapa muda kujadili maswali. Kikundi kizima kinapokuja pamoja basi unafaa kutoa muda kwa kila kikundi kutoa hoja moja au mbili za kimsingi.

Ikiwa kuna maswali mengi au vifungu vyta Biblia ambavyo watu wanahitaji ufanuzi, unaweza kumhimiza mtu mmoja katika kila kikundi kupiga picha maswali hayo au vifungu hivyo kwa kutumia simu ya mkono au kujiandaa mapema kwa kuandika karatasi za ziada za maswali.



Mjadala

Watu hujifunza kwa kufurahia na kufanya kitu. Mazoezi hufanikisha mambo haya. Jumuisha kila mmoja katika mazoezi haya na uwashauri wafurahie wanapofanya hayo!



Maombi

Kile ambacho Mungu husema na watu moja kwa moja ni cha maana sana. Tunataka kuhimiza kikundi chenu kuomba kwa pamoja na kuombeana kila wakati hilo linapowezekana. Unapoona ishara unafaa kuwaelekeza watu kuomba. Kuna namna nyingi za kuomba zilizotumika katika kita bu hiki. Nyakati zingine kikundi kinaelekezwa kuomba kwa pamoja, wakati mwengine katika makundi madogo madogo au watu wawili. Wakati mwengine watu wanaweza kuelekezwa kumwomba Mungu kwa sauti au kuomba kwa sauti ya chini. Ni muhimu kuwashauri watu kutenga muda wa kutosha wa maombi na kusikiliza kile ambacho Mungu anasema.



Mfano wa Kuigwa

Mifano ya watu wengine inaweza kutushajjisha na kututia moyo.

Kila wiki tutasoma kuhusu mtu mmoja ambaye maisha yake yanafaa kuwa mfano kwetu.



Kazi ya Wiki

Kila wiki kuna mazoezi ya ziada ya kufanya. Wapaswa kueleza taratibu kuhakikisha watu wanaielewa na kuwahimiza watu kufanya hivi kila wiki. Kwa kutangulia katika kila kipindi, wasitahili kuwapa watu nafasi na mda kuelezea iwapo walifanya zoezi walilo ulizwa kufanya na jinsi kulienda.

Vifungu vya Bibilia na kumbukumbu

Unaona jina na maneno yaliyopigiwa mstari kama Zaburi 1:4-6 ni kifungu kinachoonyesha hadithi ya Biblia. Kifungu kina maana usome kitabu cha Zaburi sura ya kwanza mstari wa nne hadi sita.

Kulinda watoto wetu tunapokuwa katika Vikundi vya Maisha

Pamoja tunaweza kutengeneza masharti ili watoto wetu wawe salama wanapokuwa nyumbani au katika Vikundi vya Maisha pamoja nasi. Masharti au sheria hizi zinafaa kufanya kazi katika sehemu tofauti katika maisha yetu. Ikiwa tunafanya kazi katika mitaa, kanisani au pamoja na marafiki, Mungu anataka watoto wetu wawe salama.



Kila moja mmoja anayehudhuria kikundi cha maisha lazima ahakikishe kuwa watoto wake wako salama nyumbani na wanaangaliwa na mtu mzima au wanaweza kuja na watoto wao.



Viongozi wa vikundi lazima wawakumbushe washirika kuhakikisha kuwa watoto wao wako salama nyumbani na wanaangaliwa na wazima au wawakaribishe katika kikundi.



Yeyote anayewashughulikia watoto katika kikundi asifanye kazi peke yake bali asaidiwe na mtu mmoja au wawili. Ikiwa ni watu wawili, hwawapaswi kutoka katika familia moja. (Lazima watoke katika familia tofauti.)



Wale wanaoshughulikia watoto katika kikundi lazima wawe wamehudhuria vikao vya kikundi angalau kwa kipindi cha miezi mitatu mfululizo.



Viongozi wa kikundi na na washirika hawapaswi kupiga wato picha wanapojishughulisha na Vikundi vya Maisha.



Ikiwa watoto wanakula kwa pamoja katika kikundi cha maisha, hakikisha chakula wanachokula ni salama na hakina madhara

yoyote kwao.



Wanavikundi wanapotembelea familia katika Vijiji lazima wawe katika makundi ya wawili wawili, kwa mfano wanaume wawili wamtembelee mwanamume au wanawake wawili wamtembelee mwanamke.

1: Upendo wa Mungu



Lengo

Lengo la kipindi cha somo wiki hii ni kuwezesha wanakikundi kujuana na kumfahamu Mungu, ambaye ni pendo. Kwanza kabisa, peana muda ili wanakikundi wasalimiane.



Kifungu cha Bibilia

Wasomee wanakikundi kifungu cha Biblia kwa nguvu. Kisha, wasaidie kukifahamu kwa kukikariri kwa nguvu mara kadhaa, huku wanakikundi wakirudia baada yako.

Nasi tumelifahamu pendo alilo nalo Mungu kwetu sisi, na kuliamini. Mungu ni upendo, naye akaaye katika pendo, hukaa ndani ya Mungu, na Mungu hukaa ndani yake.

1 Yohane 4:16



Maarifa ya Biblia

Soma hadithi ya Biblia ifuatayo kwa nguvu, kwa wanakikundi wote. Ni hadithi kuhusu jinsi ambavyo Yesu aliwahurumia makusanyiko ya watu.

Yesu aliwahurumia sana kiasi cha kuanza kulilia mji katika hadithi moja.

Yesu nyakati zote alitumia hadithi, kutufunza kuhusu Mungu. Hadithi hizi zinaitwa Mifano. Hadithi hutumia mifano na matukio ya kila siku kutusaidia kumfahamu Mungu alivyo.



Hadithi ya kondoo aliyepotea (Luka 15:1-7)

¹Basi watoza ushuru wote na wenye dhambi walikuwa wakimkaribia wamsikilize. ²Mafarisayo na waandishi wakanung'unika, wakisema, Mtu huyu huwakaribisha wenye dhambi, tena hula nao.

³Akawaambia mfano huu, akisema, ⁴Ni nani kwenu, mwenye kondoo mia, akipotewa na mmojawapo, asiyewaacha wale tisini na kenda nyikani, aende akamtafute yule aliyepotea hata amwone? ⁵Naye akiisha kumwona, humweka mabegani pake akifurahi. ⁶Na afikapo nyumbani kwake, huwaita rafiki zake na jirani zake, akawaambia, Furahini pamoja nami, kwa kuwa nimekwisha kumpata kondoo wangu aliyepotea. ⁷Nawaambia, Vivyo hivyo kutakuwa na furaha mbinguni kwa ajili ya mwenye

dhambi mmoja atubuye, kuliko kwa ajili ya wenyе haki tisini na kenda ambaо hawaна haja ya kutubu.

Katika kitabu cha Mathayo, upendo wa Mungu unaonyeshwa kwa ‘kondoo’ wake ambao ni watu wote waliozunguka, unadhihirishwa na jinsi anavyowalilia watu wa mji wa Jerusalem, ambayo ni Israel.

Wasomee wanakikundi Mathayo 23:37 kwa nguvu.

Ee Yerusalemу, Yerusalemу, uwauaye manabii, na kuwapiga kwa mawe wale walioatumwa kwako! Ni mara ngapi nimetaka kuwakusanya pamoja watoto wako, kama vile kuku avikusanyavyo pamoja vifaranga vyake chini ya mabawa yake, lakini hamkutaka!

Yesu aliuangalia mji wa Yerusalemу alipokumbuka dhambi za watu. Aliona kila kitu ambacho kila mmoja alikuwa anafanya. Ijapokuwa waliwaa wale walioatumwa na Mungu, alitaka kuwakusanya kama anavyokusanya vifaranga wake chini ya mbawa zake. Aliwahurumia.

Je aliwakasirikia? Je alitaka kuangamiza mji? La! Alijaa huruma kwa ajili ya watu – kama kuku aliye na vifaranga. Mara nyingi katika vijiji, tunawachukia ‘wenye dhambi’. Tunawahukumu na kuwatenga. Tunawatupa nje ya makanisa yetu na wakati mwingine hata vijijni. Hii si tabia na mwenendo wa Yesu.

Yesu aliowaona kama watu waliohitaji kuangaliwa kwa umakini kama vifaranga au kondoo aliyepotea katika mfano. Kuku ni wazazi wazuri. Kabla ya kuangua, hulalia mayai na kuyatia joto. Vifaranga wanapokuwa wachanga wanawalisha na kuwalinda chini ya mbawa zao. Hivi ndivyo alivyo Yesu kwa watu wake.

Hata wakati tumetenda dhambi na kwenda mbali na Mungu, bado anataka kutujua na kutushughulikia.

Mfuasi mkuu wa Yesu Mtume Paulo, alisema haya kuhusu upendo wa Mungu katika Warumi 5:8:

*Bali Mungu aonyesha pendo lake ye ye mwenyewe kwetu sisi,
kwa kuwa Kristo alikufa kwa ajili yetu, tulipokuwa tungali
wenye dhambi.*



Mjadala

Ingieni katika makundi ya watu 3 au 4. Jadilini maswali yafuatayo:

- Hadithi hii inatufunza nini kuhusu upendowa Yesu? Upendo unafanaje?
- Ni wakati gani ulihisi upendo wa Mungu kwa dhati katika maisha yako? Shiriki na watu katika Kikundi chako.
- Je tunawapenda watu wanaofanya maovu na hata kutuchukia?
- Je ni vigumu kupenda watu, hasa usipopata faida au malipo ya namna yoyote?



Maombi

Ingieni katika vikundi vya watu 2 au 3 kuomba. Kila mmoja aombee mahitaji yafuatayo:

- Mshukuru Mungu kwa ajili ya upendo wake kwako.
- Mshukuru Mungu kwa upendo wake kwako licha ya kufahamu maovu unayowaza na kufanya.
- Waombee wale wote wanaochukiwa au kuonekana kama ‘wenye dhambi’ kwenye Kijiji chenu.
- Mshukuru Mungu kwa kutuumba tofauti na kwa jinsi ya

kipeekee.

- Mshukuru Mungu kwa kukupenda na kukujali kama baba mkamilifu.



Kifungu cha Bibilia

Wasomee wanakikundi kifungu cha Biblia kwa nguvu. Kisha, wasaidie kukifahamu kwa kukikariri kwa nguvu mara kadhaa, huku wanakikundi wakirudia baada yako.

Nasi tumelifahamu pendo alilo nalo Mungu kwetu sisi, na kuliamini. Mungu ni upendo, naye akaaye katika pendo, hukaa ndani ya Mungu, na Mungu hukaa ndani yake.

1 Yohane 4:16



Mfano wa Kuigwa: Mama Theresa

Simulia hadithi hii kwa kila mmoja ili kuwatia moyo.

Mama Theresa alikuwa Sista Mkatoliki aliyezaliwa Albania ijapokuwa aliishi kwa kipindi kirefu eneo la Calcutta, India akiwasaidia maskini. Hapo awali alikaa katika kituo cha misheni lakini alihisi Mungu alimwongelesha aache makaazi hayo ya raha na aondoke ili kuwashughulikia watu wasio na chakula, wanaogua na walio maskini hohe hahe.

Ilikuwa vigumu hapo awali. Hakuwa na pesa na maisha yake yalikuwa magumu mno. Alijaribiwa kurudia maisha mepesi ya kituo cha misheni, lakini badala yake alibaki mijini na akajitoa mhanga kutumikia wale wasiojiweza. Aliamini kuwa kumfahamu Kristo, kilitajirisha na kutosheleza maisha ya mtu, na hilo lilikuwezesha kutumikia na kuwasaidia watu vyema zaidi.

Mama Theresa alianzisha shule, makao ya watoto mayatima, makao ya waliougua ukoma pamoja na hospitali za kuwashughulikia

wagonjwa mahututi. Aliendelea kuwashughulikia maskini mpaka alipokaribia kifo chake akiwa na miaka 87.

Alijitolea maisha yake kusaidia wale wasiojiweza kuliko yeye. Alifanya haya yote kwa kuwa Kristo aliishi ndani yake na alimwezesha kufanya kila kitu.



Mjadala

- Je hadithi hii ya Mama Theresa inakutia moyo? Kwa nini inakutia moyo?
- Je unafikiri kwa kiasi kidogo tunaweza kuwa kama Mama Theresa katika Vijiji vyetu?
- Tutawezaje kufanya hivyo?



Kazi ya Wiki

Kila wiki kuna kazi ya nyumbani tutakayofanya. Kazi hii itatusaidia kuwapenda watu katika Kijiji chetu na kutufunza jinsi ya kuathiri tunakoishi.

Wiki hii mtahitaji kukutana na kuomba. Mtahitajika kukutana na kujadili ili kupanga saa. Ikiwa mnaweza kukutana kwa saa moja huo muda utatosha.

Mnapokutana tumieni muda kiasi kujadili jinsi ya kuonyesha upendo wa Mungu kwa watu wa kijiji chenu. Ombeeni yale mliyojadili na mmuombe Mungu awasaidie kuwaonyesha mtakachokifanya na jinsi mtavyokifanya.

2: Upendo wa Mungu Huchukua Hatua



Lengo

Kuelewa kuwa upendowa Mungu hujionyesha kwa kufanya jambo kwa vitendo katika kijiji chenu.



Kifungu cha Bibilia

Wasomee wanakikundi kifungu cha Biblia kwa nguvu. Kisha, wasaidie kukifahamu kwa kukikariri kwa nguvu mara kadhaa, huku wanakikundi wakirudia baada yako.

*Alipoonekana ana umbo kama mwanadamu, alijinyenyekenza
akawa mtii hata mauti, naam, mauti ya msalaba.*

Wafilipi 2:8



Maarifa ya Biblia

Hadithi ya Biblia ifuatayo ni ya Yesu akifa msalabani. Biblia inasema ya kwamba Yesu alionyesha upendo wake kwa matendo kwa kufanya haya. Uliza kila mmoja katika kikundi kufunga macho na uanposoma hadithi watafakari haya yakifanywa kwa ajili yao.

Wasomee wanakikundi hadithi hii kwa sauti.



Hadithi ya Kusulubiwa (Marko 15:16-39)

Askari Wamdhihaki Yesu

¹⁶*Nao askari wakamchukua ndani ya behewa, ndiyo Praitorio (yaani, nyumba ya uliwali), wakakusanya pamoja kikosi kizima.*

¹⁷*Wakamvika vazi la rangi ya zambarau, wakasokota taji ya miiba, wakamtia kichwani; ¹⁸wakaanza kumsalimu, Salamu, Mfalme wa Wayahudi! ¹⁹Wakampiga mwanzi wa kichwa, wakamtemea mate, wakapiga magoti, wakamsujudia. ²⁰Hata wakiisha kumdhihaki, wakamvua lile vazi la rangi ya zambarau, wakamvika mavazi yake mwenyewe; wakamchukua nje ili wamsulibishe.*

Kusulubiwa kwa Yesu

²¹*Wakamshurutisha mtu aliyejkuwa akipita, akitoka mashamba, Simoni Mkirene, baba yao Iskanda na Rufo, ili auchukue msalaba wake. ²²Wakamleta mpaka mahali paitwapo Golgotha, yaani, Fuvu la kichwa. ²³Wakampa mvinyo iliyotiwa*

*manemane, asiipokee.*²⁴ *Wakamsulibisha, wakagawa mavazi yake, wakayapigia kura kila mtu atwae nini.*²⁵ *Basi ilikuwa saa tatu, nao wakamsulibisha.*²⁶ *Palikuwa na anwani ya mashitaka yake ilioandikwa juu, MFALME WA WAYAHUDI.*²⁷ *Na pamoja naye walisulibisha wanyang'anyi wawili, mmoja mkono wake wa kuume na mmoja mkono wake wa kushoto.* [²⁸*Basi andiko likatimizwa linenalo, Alihesabiwa pamoja na waasi.*] ²⁹*Nao waliokuwa wakipita njiani wakamtukana, wakitikisa-tikisa vichwa, wakisema, Ahaa! Wewe mwenye kulivunja hekalu na kulijenga katika siku tatu,*³⁰ *jiponye nafsi yako, ushuke msalabani.*³¹*Kadhalika na wakuu wa makuhani wakamdhihaki wao kwa wao, pamoja na waandishi, wakisema, Aliponya wengine; hawezi kujiponya mwenyewe.*³²*Kristo, mfalme wa Israeli, na ashuke sasa msalabani tupate kuona na kuamini. Hata wale waliosulibiwa pamoja naye wakamfyolea.*

Kifo cha Yesu

³³*Na ilipokuwa saa sita, palikuwa na giza juu ya nchi yote, hata saa tisa.*³⁴*Na saa tisa Yesu akapaza sauti yake kwa nguvu, Eloi, Eloi, lama sabakthani? Maana yake, Mungu wangu, Mungu wangu, mbona umeniach?*³⁵*Na baadhi yao waliosimama pale, walisema, Tazama, anamwita Eliya.*³⁶*Na mmoja akaenda mbio, akajaza sifongo siki, akaitia juu ya mwanzi, akamnywesha, akisema, Acheni, na tuone kwamba Eliya anakuja kumtelemsa.*³⁷*Naye Yesu akatoa sauti kuu, akakata roho.*

³⁸*Pazia la hekalu likapasuka vipande viwili toka juu hata chini.*

³⁹*Basi yule akida, aliyesimama hapo akimweleke, alipoona ya kuwa alikata roho jinsi hii, akasema, Hakika mtu huyu alikuwa Mwana wa Mungu.*

Mara nyingi watu husema vitu vizuri kuonyesha heshima kwa mtu fulani. Wakati mwingine tutasema vitu au mambo yasiyo kweli kwa sababu hatutaki kumvunja moyo mgeni au jamaa yetu. Upendo wa Mungu hausemi vitu vizuri tu bali pia huingilia kati na unatufanya vitu, hata kumtoa mwanawe Yesu.

Tukisoma hadithi hii pekee pasipo kuangazia Biblia yote itakuwa kama janga au pigo kubwa. Mhusika mkuu au shujaa katika hadithi amekufa. Imekwisha. Mwisho wa mambo... Lakini hatusomi hadithi hii bila kuzingatia hadithi nzima.

Katika Yohana 3:16 Yesu anaeleza,

Kwa maana jinsi hii Mungu aliupenda ulimwengu, hata akamtoa Mwanawe pekee, ili kila mtu amwaminiye asipotee, bali awe na uzima wa milele.

Mungu aliona jinsi tulivyokuwa katika matatizo na kwa hivyo alihiaru kumtoa mwanawe wa pekee ili afe kwa ajili ya dhambi zetu. Alitufia. Alituchukulia adhabu ya maovu yetu.

Hivi ndivyo tunavyohitajika tuwe. Tunapofahamu kuwa upendo wa Mungu, ni asilia na sahihi sisi kuonyesha upedo huu kwa vitendo. Hii inamanisha kuwasaidia watu na kuwapenda kwa vitendo. Kuwa Mkristo kunakubadilisha tabia na mtazamo wa ndani na hili linafaa kudhihirishwa na kile unachosema na kutenda.

Ukristo si kwenda kanisani tu. Kwanza jengo tunalokwenda ni jengo tu. Kanisa la kweli ni mkusanyiko wa watu wa Mungu na hatua wanazochukua pamoja.

Upendo wa Mungu ni zaidi ya maneno matupu; ni kitu ambacho

kinaweza uleta mabadiliko. Hii ina maana kuwa lazima tuwapende wale ambao hawapati upendo, tuwatumikie na kuwasaidia walio katika jamii. Hatuna nja mbadala katika jambo hili. Hivi ndivyo iwapasavyo Wakristo.

Je tuko tayari kuwa mionganini mwa watu ambao Mungu atawatumia kuonyesha upendo wake?



Kifungu cha Bibilia

Wasomee wanakikundi kifungu cha Biblia kwa nguvu. Kisha, wasaidie kukifahamu kwa kukikariri kwa nguvu mara kadhaa, huku wanakikundi wakirudia baada yako.

Alipoonekana ana umbo kama mwanadamu, alijinyenyekeza akawa mtii hatu mauti, naam, mauti ya msalaba.

Wafilipi 2:8



Mjadala

Ingieni katika makundi ya watu 3 au 4. Jadilianeni maswali yafuatayo.

- Yesu ‘alijinyenyekesha’. Hii ina maana gani kwetu?
- Ni kitu gani ambacho Yesu alifanya? Je watu walimpenda kwa kile alichokifanya? (Ikiwa huna uhakika wa kile alichokifanya Yesu, soma vitabu vya Mathayo, Marko, Luka na Yohana katika Biblia).



Mfano wa Kuigwa: Maximillian Kolbe

Simulia hadithi hii kwa kila mmoja ili kuwatia moyo.

Maximillian Kolbe alishikwa na kufungiwa kama mfungwa au mahabusu na Wajerumani wakati wa Vita vya pili vya Ulimwengu.

Julai, 1941 mtu mmoja kutoka kambi ya Kolbe alipotea. Ili kudhibiti majaribio ya kutoroka, naibu kamanda, msimamizi wa kambi aliamua kuwachukua watu kumi kutoka kwa kambi hiyo ili kuwatesa hadi kifo kwa njaa katika, "Chumba 13" kilichokuwa maarufu kwa kutesa watu. Mmoja wa watu waliochaguliwa kuteswa...alilia na kupaza sauti, "Mke wangu! Watoto wangu!" Kolbe alijitolea kuchukua nafasi yake.

Katika kile chumba cha mateso, Kolbe alisherekea ibada ya Kikristo kila siku alipoweza na alipeana meza ya Bwana kwa wafungwa wengine kisiri nyakati za mchana; mkate uliopeanwa kwa wafungwa haukuwa na chachu kwa hivyo ungeweza kumiwa kama meza ya Bwana. Walinzi waliomhurumia walimpa vitu alivyo hitaji, ikiwemo divai aliyoitumia.

Kolbe aliwaongo wenzake kwa nyimbo na maombi. Baada ya wiki tatu za kunyimwa maji na chakula, Kolbe na wengine watatu tu waliokuwa hai. Aliwatia wengine moyo kwamba kuwa baada ya muda mchache wangekuwa mbinguni. Kila mara walinzi walipomtazama, alikuwa amesimama au amepiga magoti katikati ya chumba cha gereza akiwatazama kwa utilivu wale walioingia. Mwishowe Kolbe aliuwawa kwa kudungwa sindano iliyokuwa na kemikali ya carabolic acid baada ya kuwa mtu wa pekee aliye kuwa hai. Waliokuwepo wakati akidungwa sindano, wanasema kuwa aliinua mkono wake wa kushoto na kusubiri kwa utulivu sindano hiyo.¹

Mtu yule aliyetoweka alipatikana baadaye akiwa amezama katika choo cha kambi hiyo.

¹ Unknown (22 April 2020), *Maximilian Kolbe* [ONLINE] Available at: https://en.wikipedia.org/wiki/Maximilian_Kolbe [Accessed 28 April 2020]



Mjadala

Ingieni katika makundi ya watu 3 au 4 na mjadili maswali yafuatayo:

- Maximillian alionyeshaje upendo wa Mungu?
- Unafikiri mfungwa aliyeokolewa alihisi na kufikiria ni?
- Ni kitu gani kinachotuzuia kupenda watu kila siku? Huenda ikwa hakuna haja ya kumfia mtu, lakini huenda tukahitajika au kutenga muda au wakati kiasi au kushughulikia mtu kwa kumpa msaada. Kwa mfano, unaweza kumsaidia mtu shambani mwake.



Maombi

Ombi la mtu binafsi

Wahimize watu wakae chini kwa dakika 5 na watumie muda huu kutubu. Waelekeze waombe msamaha kwa sababu ya uchoyo na ubinafsi wao. Muombe Yesu atufunze jinsi tunaweza kuonyesha upendo kwa wengine. Uwe mnyenyeketu kwa maombi yako.

Kuombeana wawili wawili

Waweke watu katika makundi ya wawili wawili na uwahimize waombeane ili waweze kupeana maisha yao kwa wengine. Muwe na shabaha katika maombi yenu. Ikiwa mtu anataka kusaidia kutafutia maskini chakula basi ombeeni jambo hili. Iwapo mtu anataka kusaidia kuonyesha rehema za Mungu katika hali, liombeeni. Ikiwa mtu hajui mambo ya kuombea, muombe Roho Mtakatifu akuongoze.



Kifungu cha Bibilia

Wasomee wanakikundi kifungu cha Biblia kwa nguvu. Kisha, wasaidie kukifahamu kwa kukikariri kwa nguvu mara kadhaa, huku wanakikundi wakirudia baada yako.

*Alipoonekana ana umbo kama mwanadamu, alijinyenyewekeza
akawa mtii hata mauti, naam, mauti ya msalaba.*

Wafilipi 2:8



Kazi ya Wiki

Jadilianeni wakati wa kukutana katikati ya wiki ili kuomba na kuzungumza. Mtahitaji kukutana kwa saa moja.

Mnapokutana mtahitajika kutengeneza orodha ya kila mtu kijijini ambaye:

- Haendi kanisani
- Ni maskini sana katika kijiji. Watu hawa wanapaswa kuwa maskini zaidi katika kijiji.

Mnapotengeneza orodha, waombeeni kila mmoja kwa jina. Ombeni kwamba Mungu awasaidie na awatimizie mahitaji yao. Mwombeni Mungu ili awatumie kufanya haya.

3: Wewe ni Mwana wa Mungu



Lengo

Lengo la kipindi hiki ni kutusaidia sote kuelewa kuwa tu wana wa Mungu. Kama ilivyo kuwa katika familia ya kawaida, vivyo hivyo kuwa mwana wa Mungu huja na faida na majukumu vile vile. Katika somo hili tutajifunza baadhi ya majukumu hayo.



Kifungu cha Bibilia

Wasomee wanakikundi kifungu cha Biblia kwa nguvu. Kisha, wasaidie kukifahamu kwa kukikariri kwa nguvu mara kadhaa, huku wanakikundi wakirudia baada yako.

Bali wote waliompokea aliwapa uwezo wa kufanyika watoto wa Mungu, ndio wale waliaminio jina lake; waliozaliwa, si kwa

damu, wala si kwa mapenzi ya mwili, wala si kwa mapenzi ya mtu, bali kwa Mungu.

Yohane 1:12-13



Mjadala

Ingieni katka makundi ya watu 3 au 4. Jadilianeni maswali yafuatayo.

- Yazungumzieni na kutengeneza orodha ya vitu ambavyo baba au mama huwafanya watoto wao.
- Je mnaamini kuwa Mungu hufanya vitu hivi kwa watoto wake? Anafnyaje haya?
- Baada muda mfupi, wahimize watoe maoni kwa watu wote kutoka kwa makundi madogo madogo. Hiki kitakuwa kipindi cha kuhimizana.



Maarifa ya Biblia

Wasomee wanakikundi hadithi hii ya Biblia kwa sauti.



Kuenenda katika Roho (Wagalatia 5:16-26)

¹⁶*Basi nasema, Enendeni kwa Roho, wala hamtazitimiza kamwe tamaa za mwili.* ¹⁷*Kwa sababu mwili hutamani ukishindana na Roho, na Roho kushindana na mwili; kwa maana hizi zimepingana, hata hamwezi kufanya mnayotaka.* ¹⁸*Lakini mkiongozwa na Roho, hampo chini ya sheria.* ¹⁹*Basi matendo ya mwili ni dhahiri, ndiyo haya, uasherati, uchafu, ujisadi,* ²⁰*ibada ya sanamu, uchawi, uadui, ugomvi, wivu, hasira, fitina, faraka, uzushi,* ²¹*husuda, ulevi, ulafi, na mambo yanayofanana na hayo, katika hayo nawaambia mapema, kama nilivyokwisha kuwaambia, ya kwamba watu watendao mambo ya jinsi hiyo hawataurithi ufalme wa Mungu.*

²²Lakini tunda la Roho ni upendo, furaha, amani, uvumilivu, utu wema, fadhili, uaminifu, ²³upole, kiasi; juu ya mambo kama hayo hakuna sheria. ²⁴Na hao walio wa Kristo Yesu wameeusulibisha mwili pamoja na mawazo yake mabaya na tamaa zake. ²⁵Tukiishi kwa Roho, na tuenende kwa Roho. ²⁶Tusijisifu bure, tukichokozana na kuhusudiana.

Hadithi hii iliandikwa na Mtume Paulo, kwa Wakristo wa Vijiini katika Mkoa wa Galatia. Wakristo hawa walikuwaa wanajaribu kuishi maisha ya unyofu; kama wana wa Mungu. Mtume Paulo alitaka kuwasaidia kuishi kwa njia ya unyofu kwa hivyo akawapa mawaidha ya kuwasaidia.

Mtume Paulo alisema kuwa kuna njia mbili za kuishi. Moja ni kuwa mbinasi, kuangalia na kujali mahitaji na maslahi yetu, jambo linaloleta matatizo na dhambi za kila aina katika maisha yetu. Maisha haya hayalingani na tabia ya Mwana wa Mungu.

Njia nyingine ni kuishi katika Roho – kuachana na maisha ya dhambi na kuishi kama. Mwana wa Mungu. Kutusaidia kuelewa mambo haya, Paulo aliyeana orodha ya matunda tisa ya Roho Mtakatifu. Kama vile mti unavyozaa matunda kwa msimu wake, hivyo ndivyo walivyo watu, kulinganana Mtume Paulo.

Mwana wa Mungu ni mtu ajulikanaye na Mungu huwa na ‘matunda’ haya katika maisha yao. Watu ambao si wana wa Mungu hawana matunda haya. Unaweza kutambua Wakristo wa kweli kwa kile wanachofanya, na si kwa kile wanachosema. Kuhudhuria ibada za kila wiki si kitambulisho cha kuwa mwana wa Mungu.

Kuna kitu cha kipekee kuhusu matunda ambayo Mungu anataka kuyakuza katika maisha ya wanawe. Matunda yote huathiri wengine.

Tutangazia matunda mawili kama mifano.

1) Wema

Ni vigumu kuwa mwema kwetu binafsi. Tunaweza kuwa wema kwa wenzetu tu. Hawa ni watu wa vijiji au jamii zetu. Wema huathiri watu wengine.

2) Fadhili

Fadhili hatuzionyeshi kwetu sisi binafsi. La! Tunapaswa kuwafadhili, kuwasaidia, kuwapa vitu na kuwatumikia wengine.

Kutoishi kama Mwana wa Mungu ni kuwa na vivu, mbinafsi na kuwa tamaa ya kufanikisha maisha yako kabla ya wengine. **Kuwa** Mwana wa Mungu ni kuwa tofauti na kuishi maisha kwa ajili ya wengine.

Si kila mwana wa Mungu anayefanya mambo kwa usahihi, hayo yatafanya mbinguni tu, lakini mwelekeo wa maisha yetu unafaa kuelekea kile ambacho Mungu anataka tuwe.

Mfano mwingine unaotumiwa katika Biblia ni wa nuru na giza. Wana wa Mungu wanatakiwa kuwa wana wa nuru. Wakati mwezi haupo, msitu huwa katika giza kuu. Kurunzi au mshumaa unaweza kuonekana kwa mbali. Nuru inaweza katika giza na kutowesha giza.

Hivi ndivyo wana wa Mungu au “nuru ya ulimwengu” kama vile Biblia inavyowaita wanapaswa kuwa.

Wasomee wanakikundi Mathayo 5:14-16 kwa sauti. Vifungu hivi vinatuhimiza na kutuelekeza kuwa watu wa nuru katika vijiji yetu.

¹⁴*Ninyi ni nuru ya ulimwengu. Mji hauwezi kusitirika ukiwa juu ya mlima.* ¹⁵*Wala watu hawawashi taa na kuiweka chini ya*

*pishi, bali juu ya kiango; nayo yawaangaza wote waliomo nyumbani.*¹⁶ Vivyo hivyo nuru yenu na iangaze mbele ya watu, wapate kuyaona matendo yenu mema, wamtukuze Baba yenu aliye mbinguni.



Mjadala

Ingieni katika makundi ya watu 3 au 4 na mjadiliane yafuatayo.

Zungumzieni kuhusu kila tunda la Roho la Mtakatifu na mtengeneze orodha ya jinsi kila moja linaweza kudhihirishwa katika maisha na hata vijijini mwetu.

Matunda ya Roho Mtakatifu ni: upendo, furaha, amani, uvumilivu, fadhili, wema, uaminifu, upole na kiasi.



Kifungu cha Bibilia

Wasomee wanakikundi kifungu cha Biblia kwa nguvu. Kisha, wasaidie kukifahamu kwa kukikariri kwa nguvu mara kadhaa, huku wanakikundi wakirudia baada yako.

Bali wote waliompokea aliwapa uwezo wa kufanyika watoto wa Mungu, ndio wale waliaminio jina lake; waliozaliwa, si kwa damu, wala si kwa mapenzi ya mwili, wala si kwa mapenzi ya mtu, bali kwa Mungu.

Yohane 1:12-13



Mfano wa Kuigwa: Wanandoa Wakarimu

Simulia hadithi hii kwa kila mmoja ili kuwatia moyo.

Hii ni hadithi ya mtu mmoja niliyekutana naye Scotland, aliyekuwa akiishi gizani na baadaye akaja kuishi kwenye nuru. Nimebadilisha jina lake kwa sababu ya usalama wake.

Luka alikuwa alikulia katika familia amabayo ilimuonyesha upendo kidogo. Kwa sababu wazazi wake hawakumwonyesha mapenzi ya dhati, hii ilimsababisha Luka kuwa na hisia za kutopendwa katika maisha yake. Alipoendelea kukua alitafuta njia mbadala za kufidia mapenzi aliyooyakosa kutoka kwa wazazi wake.

Aligeukia madawa ya kulevyia ili kumsaidia kubadilishia hisia alizokuwa nazo. Baada ya muda mfupi akaishia kuwa mraibu wa opium. Ilitawala maisha yake. Alikuwa mraibu na hakuacha kutumia opium. Ilifanya ajisikie nafuu. Shida ilikuwa kwamba kupata opium ilibidi awaibiaie watu. Ilimlazimu kuuza vitu vilivyoibiwa ili kupata pesa za kununua opium aliyokuwa na uraibu nayo.

Baada ya muda askari walimkamata akiiba, alikamatwa na kuhukumiwa kifungo cha gerezani. Aliachiliwa baada ya kutumikia kifungo chake.

Angefanya nini sasa? Hakuwa na kazi wala tumaini.

Familia moja ya wanandoa wazee ilimwonyesha njia mbadala ya kuishi. Walimwonyesha upendo wa Yesu. Hawakumwambia tu kuhusu upendo wa Yesu bali walimwonyesha kwa matendo.

Walimchukua huyu kijana katika makao yao, walimshughulikia na kumwombea. Aliona kuwa upendo wa Yesu ungeleta utofauti. Aliamua kuachana na madawa ya kulevyia na kuishi maisha yake kwa ajili ya Yesu. Huyu ni kijana ambaye yamebadilishwa kabisa na Yesu.

Haya yote yalifanikishwa na Wakristo walioishi kama wana wa Mungu na kumwonyesha upendo alionao Mungu kwa ajili ya wanawe.



Maombi

Ingieni katika makundi ya watu wawili wawili na mjadiliane kuhusu ‘tunda la Roho Mtakatifu’ tunalong’ang’ana nalo sana. Waulize ni tunda lipi dhaifu sana katika maisha yao?

Wawili wawili, ombeni kwamba tunda dhaifu liwe na nguvu katika maisha yetu.



Kifungu cha Bibilia

Wasomee wanakikundi kifungu cha Biblia kwa nguvu. Kisha, wasaidie kukifahamu kwa kukikariri kwa nguvu mara kadhaa, huku wanakikundi wakirudia baada yako.

Bali wote waliompokea aliwapa uwezo wa kufanyika watoto wa Mungu, ndio wale waliaminio jina lake; waliozaliwa, si kwa damu, wala si kwa mapenzi ya mwili, wala si kwa mapenzi ya mtu, bali kwa Mungu.

Yohane 1:12-13



Kazi ya Wiki

Toa orodha ya majina uliyotengeneza wiki iliyopita. Tenga muda katikati ya wiki ambao wewe na kikundi chako mnaweza kuwatembelea baadhi ya watu ikiwa si wote. Haya ni baadhi ya mapendekizo ya yale ambayo mnaweza kufanya mnapowatembelea:

- Kwa nini msishiriki nao kile mlicho jifunza katika kipindi cha pili kuhusu Yesu kufa kwa ajili yao?
- Mnaweza mkawapelekea zawadi kidogo.
- Ikiwa kuna jambo la kufanya ambalo mnaweza mkawasaidia basi mnaweza kufanya hivyo.
- Mnaweza kuaombea kabla muondoke.

Mnapowatembelea watu waulizeni njia ambazo wanahitaji msaada kisha mziandike chini. Muwe makini msipoteze maelezo mliyoyaandika chini.

4: Toeni kama Kanisa la Makedonia



Lengo

Kujifunza kile ambacho Biblia inasema kuhusu kutoa pesa na kuhimizwa kuwa wakarimu zaidi wa pesa na mali zetu.



Kifungu cha Bibilia

Wasomee wanakikundi kifungu cha Biblia kwa nguvu. Kisha, wasaidie kukifahamu kwa kukikariri kwa nguvu mara kadhaa, huku wanakikundi wakirudia baada yako.

Msijiwekee hazina duniani, nondo na kutu viharibupo, na wevi huvunja na kuiba; bali jiwekeeni hazina mbinguni, kusikoharibika kitu kwa nondo wala kutu, wala wevi hawavunji wala hawaibi; kwa kuwa hazina yako ilipo, ndipo

utakapokuwapo na moyo wako.

Mathayo 6:19-21



Maarifa ya Biblia

Wasomee wanakikundi hadithi hii kwa sauti.



Mfano wa Sadaka ya Mwanamke Mjane (Marko 12:41-44)

⁴¹*Naye akaketi kulielekea sanduku la hazina, akatazama jinsi mkutano watavyo mapesa katika sanduku. Matajiri wengi wakatia mengi.* ⁴²*Akaja mwanamke mmoja, mjane, maskini, akatia senti mbili, kiasi cha nusu pesa.* ⁴³*Akawaita wanafunzi wake, akawaambia, Amin, nawaambia, Huyu mjane maskini ametia zaidi kuliko wote wanaotia katika sanduku la hazina;* ⁴⁴*maana hao wote walitia baadhi ya mali iliyowazidi; bali huyu katika umaskini wake ametia vyote alivyokuwa navyo, ndiyo riziki yake yote pia.*

Yesu alikuwa anatazama pesa zikitolewa sadaka. Aliwaona mtajiri wengi wakiweka sadaka zao za pesa nyingi lakini Yesu hakuwapongeza hao. Kinyume cha matukio Yesu anawaeleza wanafunzi wake kuwa sadaka ya mjane ndiyo iliyokuwa kubwa zaidi.

Nyakati zingine katika Bara Afrika tumezoea kutumia umaskini kuwa sababu kuu ya kutotoa. **Umaskini sio sababu ya kutotoa.** Mungu anafahamu kabisa kuwa tulichonacho ni kidogo hata hivyo anataka tutoe tu. Ameahidi kututimizia mahitaji yetu na kwa hivyo tusiwe na shaka. Mwamini na umuulize nini anataka utoe. Kisha uwe hodari, tembea kwa imani na utoe kama alivyokuamuru. Mjane hakuwa tajiri lakini alitoa kile alichokuwa nacho.



Mfano wa Kanisa la Makedonia (2 Wakorintho 8:1-7)

¹Tena ndugu zetu, twawaarifu habari ya neema ya Mungu, waliyopewa makanisa ya Makedonia; ²maana walipokuwa wakijaribiwa kwa dhiki nyingi, wingi wa furaha yao na umaskini wao uliokuwa mwingi uliwaongezea utajiri wa ukarimu wao.

³Maana nawashuhudia kwamba, kwa uwezo wao, na zaidi ya uwezo wao, kwa hiari yao wenyewe walitoa vitu vyao;

⁴wakituomba sana pamoja na kutusihii kwa habari ya neema hii, na shirika hili la kuwahudumia watakatifu. ⁵Tena walitenda hivi si kama tulivyotumaini tu, bali kwanza walijitoa nafsi zao kwa Bwana; na kwetu pia, kwa mapenzi ya Mungu. ⁶Hata tukamwonya Tito kuwatimilizia neema hii kwenu kama vile ye ye aliviotangulia kuianzisha. ⁷Lakini kama mlivyo na wingi wa mambo yote; imani, na usemi, na elimu, na bidii yote, na upendo wenu kwetu sisi; basi vivyo hivyo mpate wingi wa neema hii pia.

Mfuasi mkuu wa Yesu Mtume Paulo alianzisha na kustawisha Kanisa la Makedonia. Lilikuwa kanisa lililo na washirika maskini. Walipitia changamoto nyingi ila hawakuwa na pesa au mali nyingi.

Hata hivyo walikuwa wakarimu. Walikuwa wakarimu kuliko wale waliorajiwa. Haakutoa tu kile walichoweka akiba. Hawakutoa kilichokuwa rahisi kwao. Walitoa zaidi ya walivyokuwa navyo. Walisifiwa kwa jinsi walivyotoa kwa ukarimu.

Haikuwa mtu mmoja kutoa hata hivyo, bali kikundi kizima cha Wakristo wakitoa kwa pamoja.

Mara nyingi ni vigumu kufanya kitu pekee yetu, lakini kwa ushirikiano tunaweza kufanya mambo makuu. Labda unafikiria, ‘kuna haja gani ya mimi kutoa kiasi kidogo tu’. Kiwango au kiasi

hicho kidogo huenda kisiwe na mchango mkubwa ila ukishirikisha mchango wa watu wengine, kiasi hicho kidogo kitaishia kuwa kikubwa zaidi.



Mjadala

Ingieni katika makundi ya watu 3 au 4 na mjadili masuala yafuatayo.

- Je Mungu anatambua kuwa tunaweza kutoa tu kiwango kidogo? Je kinafaa kutolewa hata hivyo?
- Ndani ya majoribu na umaskini mwangi Kanisa la Makedonia lilitoa kwa ajili ya mahitaji ya watu wengine. Huu ni mfana wa ajabu kwetu sisi. Je ni shida gani zinatukumba tuchelewe kutoa?
- Je kanisa la Makedonia lilichelewesha mchango wao?
- Je utoaji ulizidisha mateso ya Kanisa la Makedonia?



Kifungu cha Bibilia

Wasomee wanakikundi kifungu cha Biblia kwa nguvu. Kisha, wasaidie kukifahamu kwa kukikariri kwa nguvu mara kadhaa, huku wanakikundi wakirudia baada yako.

Msijiwekee hazina duniani, nondo na kutu viharibupo, na wevi huvunja na kuiba; bali jiwekeeni hazina mbinguni, kusikoharibika kitu kwa nondo wala kutu, wala wevi hawavunji wala hawaibi; kwa kuwa hazina yako ilipo, ndipo utakapokuwapo na moyo wako.

Mathayo 6:19-21



Mfano wa Kuigwa: Giving to a Funeral

Wasimulie watu wote hadithi hii kwa sauti ili kuwatia moyo.

Katika mkoa wa Luapula, Zambia palikuwepo kundi la Wakristo

waliokutana katika Kijiji mara moja kwa wiki. Wanatoka madhehebu na tamaduni tofauti. Wote ni wanakijiji.

Siku moja walimpata dereva wa basi aliekufa ghafla akiwa mbali na nyumbani. Alitoka Lusaka jiji kuu, angalau kilomita elfu moja. Hapakuwa na watu wa kushughulikia mwili na mipango ya mazishi, kwa wanakikundi waliamu kuingilia kati na kusaidia.

Baadhi ya wanakikundi walijihuisha kutafuta familia ya marehemu ili mazishi yaweze kufanyika. Walitoa pesa pia kwa sababu ya kugharamia mazishi. Haya yote walimfanya mtu wasiyemfahamu kabisa.

Kikundi hiki pia kimesaidia katika mazishi ya watu wengine katika kijiji chao, wakiwemo wale wasioenda kanisani. Wanakikundi hawa ni Wakristo wa kawaida wasio na pesa nyingi. Waliona hitaji na wakaamua kwa ushirikiano kulishughulikia hilo hitaji.

Tazama karibu nawe. Utaona mahitaji mengi sana. Je ni kitu gani ambacho Mungu anakuitia? Ndio, inawezekana anataka utimize hitaji hilo. Usimsubiri mtu mwengine. Mungu anaweza kukutumia wewe!



Mjadala

Ingieni katika vikundi vya watu 3 au 4. Jadilianeni maswali yafuatayo.

- Fikira zitasema kuwa unapotoa na kupeana kitu utakikosa. Fikiria zetu pia husema kuwa kadiri tutakapokuwa na pesa na mali nyingi ndivyo tutapokuwa na furaha. Je huu ni ukweli au uongo, na Biblia inasema nini kuhusu jambo hili?
- Je umewahi kupokea zawadi ya kufurahisha, chakula au pesa ulipozihitaji sana? Waeleze wengine katika kikundi chenu

kilichotendeka. Ikiwa unaamini na umeona kuwa Mungu anatimiza mahitaji, je inakufanya mwepesi wa kuwatolea wengine?

- Kama wanakikundi mnafikiri mnaweza kutoa nini?



Maombi

Maombi ya kibinagsi

Elekeza kila mmoja akae kimya na wamwombe Mungu msamaha kwa kutotoa mara kadhaa. Waambie wamwombe Mungu awaelekeze kile ambacho anataka wafanye na awasaidie kumwamini kuwatimizia mahitaji yao.

Ombeni pamoja kama kikundi kwa sauti

- Ombeni Mungu awaelekeze mtakachotoa kama kikundi.
- Ombeni ili Mungu aanze kutimiza mahitaji yenu kama kikundi ili mkawasaidie wengine.
- Mshukuruni Mungu kwa kuwapa mahitaji watoto wake.



Kifungu cha Bibilia

Wasomee wanakikundi kifungu cha Biblia kwa nguvu. Kisha, wasaidie kukifahamu kwa kukikariri kwa nguvu mara kadhaa, huku wanakikundi wakirudia baada yako.

Msjiwekee hazina duniani, nondo na kutu viharibupo, na wevi huvunja na kuiba; bali jiwekeeni hazina mbinguni, kusikoharibika kitu kwa nondo wala kutu, wala wevi hawavunji wala hawaibi; kwa kuwa hazina yako ilipo, ndipo utakapokuwapo na moyo wako.

Mathayo 6:19-21



Kazi ya Wiki

Lazima muamue kuwatolea walio maskini kuliko nyinyi.

Mnapokutana mnawenza kupanga kufanya mambo yafuatayo:

- Changisheni pesa, chakula au kitu kingine kwa wale walio maskini kuliko nyinyi katika kijiji chenu. Labda mtaweza kutoa kiasi kidogo, lakini kitakuwa zaidi ya kile walichokuwa nacho hapo awali. Ni vizuri kufanya maamuzi kwa ushirikiano kama kikundi. Vitu mnavyoweza kutoa ni kama nguo, mbegu au chochote kile mlicho nacho.
- Fanyeni majadiliano wiki hii na mtoe maoni ya mambo ambayo mnawenza kufanya kijiji chenu. Pamoja mnawenza kuamua kufanya jambo kijijini. Inaweza kuwa kuwasaidia mayatima au kutengeneza bustani ya kupanda vyakula mtakavopeana kwa watu.

Labda mlipoomba wiki ya kwanza, Mungu aliwaonyesha kitu ambacho kikundi chenu kinahitajika kufanya. Kikundi chenu kinafahamu matatizo na mahitaji ya kijiji chenu. Mungu anataka tulete mabadiliko si katika maisha ya mtu mmoja tu bali pia kwa maisha ya wale walio karibu nasi. Ametuchagua ili atutumie kama mikono na miguu yake katika vijiji vyetu na maeneo tunayoishi.

5: Kazi ya Mungu Katika Kijiji Chenu



Lengo

Kipindi hiki kitawasaidia kuelewa jinsi upendo wa Mungu utakavyofanya kazi katika kijiji chenu na nafasi uliyo nayo katika kuchangia na kutekeleza. Tutajifunza ya kwamba Mungu hatafanya muujiza wowote pasipo sisi, ila atafanya kuititia sisi.



Kifungu cha Bibilia

Wasomee wanakikundi kifungu cha Biblia kwa nguvu. Kisha, wasaidie kukifahamu kwa kukikariri kwa nguvu mara kadhaa, huku wanakikundi wakirudia baada yako.

Na wote walioamini walikuwa mahali pamoja, na kuwa na vitu vyote shirika, wakiiza mali zao, na vitu vyao walivyokuwa navyo, na kuwagawia watu wote kama kila mtu alivyokuwa na haja.

Matendo 2:44-45



Maarifa ya Biblia

Kitabu cha Matendo ya Mitume kiliandikwa kueleza jinsi kanisa la kwanza lilitua kutoka kwa wanafunzi wa Yesu, jinsi kanisa na Injili ya Yesu Kristo ilivyofika katika mji wa Roma, mji uliokuwa wa maana na wenye ushawishi mkubwa sana. Hadithi hii inaeleza jinsi kanisa ilivyokuwa.

Wasomee wanakikundi hadithi hii ya Biblia kwa sauti.



Ushirika wa Waumini (Matendo 2:42-47)

⁴²*Wakawa wakidumu katika fundisho la mitume, na katika ushirika, na katika kuumega mkate, na katika kusali.*

⁴³*Kila mtu akaingiwa na hofu; ajabu nydingi na ishara zikafanywa na mitume.* ⁴⁴*Na wote walioamini walikuwa mahali pamoja, na kuwa na vitu vyote shirika,* ⁴⁵*wakiiza mali zao, na vitu vyao walivyokuwa navyo, na kuwagawia watu wote kama kila mtu alivyokuwa na haja.* ⁴⁶*Na siku zote kwa moyo mmoja walidumu ndani ya hekalu, wakimega mkate nyumba kwa nyumba, na kushiriki chakula chao kwa furaha na kwa moyo*

*mweupe,⁴⁷ wakimsifu Mungu, na kuwapendeza watu wote.
Bwana akalizidisha kanisa kila siku kwa wale waliokuwa
wakiokolewa.*

Mkutano wa kikundi chetu leo tunaweza kujifunza mengi kuhusu jinsi kanisa la kwanza katika mji wa Yerusalem, walivyoishi maisha. Hawakuenda kanisani tu. Watu wengi wana dhana potofu kuhusu kanisa. Wanaamini kuwa:

- Kanisa ni jengo.
- Madhehebu au dini ni kanisa.
- Watu waliopo kanisani ni mali au wafuasi wa viongozi.

Fikra zote hizi ni potofu na zisizo na ukweli wowote. Neno “Kanisa” katika Biblia inamaanisha ‘mkusanyiko wa watu’. Kanisa halihusu jengo, kumfuata mchungaji au kuwa aktika dini au dhehebu fulani. Kanisa linapaswa kuwa mkusanyiko wa watu wanaokutana na kushirikiana pamoja.

Jambo la msingi ni kuwa, watu hawakuzungumzia imani yao tu bali waliionyesha kwa matendo katika maeneo walikoishi.

Hebu tuangazie yaliyofanywa na kanisa siku baada ya siku.

Walijitoa kwa mafundisho na maombi. Huu ni mfano wa Kikundi cha Maisha au mkusanyiko wa kanisa.

Hata hivo, je hayo ndio yote waliyoyafanya? Je walisoma Biblia, kuomba na kuabudu pekee?

La! La hasha! Tuangalie vifungu vingine.

Katika mstari wa 43 unasema ishara na maajabu mengi yalifanywa na mitume. Huenda ilikuwa kwa mfano uponyaji au watu kufunguliwa kutoka kwa mapepo. Watu walisaidika kutohana na ishara ambazo Mungu alifanya kuitia kanisa lake. Hata vipawa vya ‘kiroho’ na miujiza imekusudiwa kuwasaidia watu wengine.

Mstari wa 44 unatuambia hawakuwa na vikundi tofauti, walikuwa na ‘vitu vyote shirika’. Mara nyingi katika vijiji vyetu, katika moja hushindana au kukataa kusaidia watu wa kanisa lingine. Ikiwa watu si Wakristo mara nyingi hawatasaidiwa. Hii si sawa.

Katika mstari wa 45, unatueleza jinsi Wakristo walivyokuwa wakarimu na wafadhili kwa kila mmoja aliyekuwa na mahitaji. Ikiwa mtu yejote alikuwa na uhitaji, hawakumpuuza; bali walitafuta njia ya kumsaidia. Kama ingewalazimu wangeuza vitu vyao ili wawasadie wengine. Biblia inasema “walitoa kwa kila mmoja kama alivyo hitaji”.

Wakati mwingine Wakristo huwa Wakristo Jumapili pekee. Tunafanya mambo ya kanisa kisha yale tutakayo wiki nzima. Hili pia si sawa. Tunapaswa kuwa Wakristo nyakati zote, licha ya kile tunachofanya. Watu wa kanisa la kwanza hawakukutana tu Jumapili bali pia walikutana kila mara katika maeneo yaliyo wazi na katika nyumba za watu. Hivi ndivyo tunavoambiwa katika mstari wa 46.

Je unaweza kubashiri matokeo ya kanisa hili la kipekee jinsi yalivyokuwa?

Mstari wa 47 unatuambia kuwa walifurahia kibali kwa kila mtu, ikimaanisha walipendwa na kushimiwa na watu wote. Vile vile tulisoma kuwa Mungu aliwaongeza wale waliokuwa wakristo. Hii ni kwa sababu watu waliweza kumwona Kristo kuitia kwa matendo ya kanisa.



Kifungu cha Bibilia

Wasomee wanakikundi kifungu cha Biblia kwa nguvu. Kisha, wasaidie kukifahamu kwa kukikariri kwa nguvu mara kadhaa, huku wanakikundi wakirudia baada yako.

Na wote walioamini walikuwa mahali pamoja, na kuwa na vitu vyote shirika, wakiuza mali zao, na vitu vyao walivyokuwa navyo, na kuwagawia watu wote kama kila mtu alivyokuwa na haja.

Matendo 2:44-45



Mijadala

Ingieni katika makundi madogo ya watu wa 3 au 4. Jadilianeni maswali yafuatayo.

- Makanisa yako katika hali gani kijiji kwenu? Je yanafanana na kanisa lililoelezwa katika kitabu cha. Matendo ya Mitume?
- Watu wanaanzaje kuelewa na kufahamu upendo wa Mungu? Je inahusu kumfahamu Yesu au ni zaidi ya hilo? Je wanaweza kuona upendowa Mungu kuitia mambo unayofanya au hawatatambua matendo yoyote ya upendo?

Baada ya dakika chache wakusanye watu pamoja ili washiriki na wengine



Maombi

Waelekeze watu waungane katika makundi ya wawili wawili. Kila kikundi kinapaswa kufanya mambo yafuatayo.

- Mshukuruni Mungu kwa upendo wake dhidi ya kila mmoja wenu.

- Waombeeni watu wa kijiji chenu hasa kwa majina ili waufahamu upendo wa Mungu.
- Ombeni kwamba Mungu ayatumie maombi ya mwombezi mwenzako kuonyesha upendo wake kijijini.

Ikiwa kuna jambo lolote maalum la kuonyesha upendo ambalo ungetaka kufanya, msihi mwombezi mwenzako akuombee ili upokee msaada wa Mungu uweze kulifanya.



Kifungu cha Bibilia

Wasomee wanakikundi kifungu cha Biblia kwa nguvu. Kisha, wasaidie kukifahamu kwa kukikariri kwa nguvu mara kadhaa, huku wanakikundi wakirudia baada yako.

Na wote walioamini walikuwa mahali pamoja, na kuwa na vitu vyote shirika, wakiuza mali zao, na vitu vyao walivyokuwa navyo, na kuwagawia watu wote kama kila mtu alivyokuwa na haja.

Matendo 2:44-45



Mfano wa Kuigwa: Lufwanyama, Zambia

Wasimulie watu wote hadithi hii kwa sauti ili kuwatia moyo.

Kuna kijiji katika wilaya ya Lufwanyama, kaskazini mwa Zambia ambako wakaazi wa kijijij hicho waliamua kufanya kitu cha kipekee. Watu fulani walijitolea kujenga shule katika kijiji chao ila hawakuwa na uwezo wa kumudu mishahara ya walimu. Baada ya muda walimu walianza kuondoka katika shule hiyo na ikaishia kusitishwa.

Kwa muda watu wa Kijiji hawakufanya chochote. Walijitenga na kuacha hayo masomo yasitishwe. Hata hivyo wangefanya nini?

Siku moja mwanamke mmoja katika Kijiji hicho aliyekuwa Mkristo alikuwa na wazo. Alianza kuwasih i watu wote katika Kijiji, ambao watoto wao walienda shule, kuchangia shule. Mchango huo haukuwa kiasi kikubwa ila baada ya muda kulikuwa na angalau kiasi fulani cha kuanza kulipa walimu. Walimu walirudi kwa kuwa sasa wangeliwa kiasi kidogo kwa kazi yao.

Jamii baadaye wakaibuka na wazo lingine. Nyuma ya shule palikuwepo na shamba. Kila baada ya siku chache kikundi cha wanaume kutoka kijijini walisaidia kulima shamba. Walipata mbegu kutoka kwa shirika la kigeni na wakaanza kupanda mahindi na mboga zingine ili kupata pesa za kuendesha shule.

Bado wanang'ang'ana. Hawana pesa za kutosha na bado wanahitaji vitabu. Hata hivyo, kwa ushirikiano wameanzisha na kufanya mambo ambayo yamewawezesha kuelimisha watoto wao. Huu ni mfano ulioanzishwa na kuwekwa na kanisa la kwanza katika Matendo 2 na ni matukio halisi yaliyohusisha watu halisi ili kutusaidia kufikiria kile ambacho tunaweza kufanya.

Mjadala

Ingieni katika makundi a watu 3 au 4. Jadilianeni masali yafuatayo.

- Kwa nini inakuwa vigumu kuwa kama kanisa la kwanza? Kwa nini tunang'ang'ana kujitolea, kutoa muda na mali zetu?
- Je kuna kitu chochote katika kijiji chenu kama vile Shule ya Lufwanyama ambacho kikundi chenu kinaweza kuchangia na kutoa msaada? Ikiwa hakuna, je kuna kitu ambacho kikundi chenu kinaweza kufanya kuwasaidia watu walio Kijijini kwenu?
- Toa nafasi kwa kila mmoja achangie na aeleze kile walichojadiliana?



Kazi ya Wiki

Fanyeni uamuzi wa kukutana pamoja.

Toa orodha ya watu uliyo nayo kuanzia wiki ya pili. Leo tumekuwa tukijadili kuwa kanisa linaweza kufanya jambo kwa wale walio na shida katika Jamii.

Uliwaauliza watu majuma mawili yaliyopita ni kwa jinsi gani wanahitaji msaada? Juma lililopita mlitoa maoni ya yale ambayo mnaweza kufanya katika jamii yenu. Leo tumejadiliana na kuzungumza kuwa kanisa kweli linapaswa kufanya jambo kwa wale wenyе mahitaji katika jamii. Mtahitajika kujadili kile mnachofikiri mnaweza kufanya au sehemu na namna ambazo watu wanahitaji msaada. Mtagundua kuwa kuna kitu au jambo ambalo mnaweza kufanya moja kwa moja ili kumtimizia mtu hitaji lake.

Baadhi ya mambo ambao tunafanya ili kuisadia jamii yatachukua muda, juhudhi nyingi na mipangilio.

Kila wakati kutakuwepo mambo ambayo unaweza kufanya ili kusaidia kijiji chako. **Hata hivyo, usipoamua kuyafanya, hakuna kitu kitakachotendeka.** Hakuna mtu yejote kutoka nje atakayekuja kuwafanya mambo haya.


Mfano wa mradi mkubwa unaweza kuwa ni kusaidia shule, kuchimba kisima, kutengeneza bustani kukuza chakula cha kuwasaidia maskini au kufanya biashara ya kuuza bidhaa na vitu vingine kwa manufaa ya watu wengine.

Mambo madogo kama kurekebisha paa la mjane linalovuja, kumchotea maji mtu aliye mgonjwa au kupeana shti kwa mtu anayehitaji, yanaweza kufanya pasipo na kuyafikiria au kupanga

sana.

Tenga muda wiki hii ili ukakifanyie Kijiji chenu mambo mawili au matatu madogo. Huu ni upendo wa Mungu unaanza kufanya kazi kijijini mwenu.

6: Maneno Pekee Hayatoshi



Lengo

Somo hili linaangazia hadithi ya Msamaria Mwema na maana halisi ya kupenda watu. Somo hili pia litatusaidia tusiwe watu wa kuwahukumu watu wengine.



Kifungu cha Bibilia

Wasomee wanakikundi kifungu cha Biblia kwa nguvu. Kisha, wasaidie kukifahamu kwa kukikariri kwa nguvu mara kadhaa, huku wanakikundi wakirudia baada yako.

Akajibu akasema, Mpende Bwana Mungu wako kwa moyo wako wote, na kwa roho yako yote, na kwa nguvu zako zote, na

kwa akili zako zote; na jirani yako kama nafsi yako.

Luka 10:27



Maarifa ya Biblia

Mara nyigi Mungu watu wasiodhaniwa kufanya mapenzi yake. Mungu anapenda kuwashangaza watu kwa kuwatumia watu wanaodhaniwa kuwa hawawezi kutumika na Mungu. Hadithi inahusu mtu asiyedhaniwa kabisa akitumika na Mungu kufanya mambo mema.

Wasomee wanakikundi hadithi hii kwa sauti.



Mfano wa Msamaria Mwema (Luka 10:25-37)

²⁵*Na tazama, mwana-sheria mmoja alisimama amjaribu;*

akisema, Mwalimu, nifanye nini ili niurithi uzima wa milele?

²⁶*Akamwambia, Imeandikwa nini katika torati? Wasomaje?*

²⁷*Akajibu akasema, Mpende Bwana Mungu wako kwa moyo wako wote, na kwa roho yako yote, na kwa nguvu zako zote, na kwa akili zako zote; na jirani yako kama nafsi yako.*

²⁸*Akamwambia, Umejibu vema; fanya hivi nawe utaishi. ²⁹Naye akitaka kujidai haki, alimwuliza Yesu, Na jirani yangu ni nani?*

³⁰*Yesu akajibu akasema, Mtu mmoja alishuka toka Yerusalemu kwenda Yeriko, akaangukia kati ya wanyang'anyi; wakamvua nguo, wakamtia jeraha, wakaenda zao, wakimwacha karibu ya kufa. ³¹Kwa nasibu kuhani mmoja alishuka kwa njia ile; na alipomwona alipita kando. ³²Na Mlawi vivyo hivyo, alipofika pale akamwona, akapita kando. ³³Lakini, Msamaria mmoja katika kusafiri kwake alifika hapo alipo; na alipomwona alimhurumia,*

³⁴akakaribia, akamfunga jeraha zake, akizitia mafuta na divai; akampandisha juu ya mnyama wake, akampeleka mpaka nyumba ya wageni, akamtunza. ³⁵Hata siku

*ya pili akatoa dinari mbili, akampa mwenye nyumba ya wageni, akisema, Mtunze huyu, na cho chote utakachogharimiwa zaidi, mimi nitakaporudi nitakulipa.*³⁶ *Waonaje wewe, katika hao watatu, ni yupi aliyejekuwa jirani yake yule aliyeangukia kati ya wanyang'anyi?*³⁷ *Akasema, Ni huyo aliywonea huruma. Yesu akamwambia, Enenda zako, nawe ukafanye vivyo hivyo.*

Yesu alitoa na kusimulia mfano wa Msamaria Mwema kwa sababu mbili. Alitaka kutuonyesha maana ya upendo wa kweli. Vile vile alitaka kutudhihirishia kuwa nadra sana watu wa dini kumpenda na kumtumikia Mungu kwa kweli.

Yesu alikuwa makini sana alipochagua wahusika wa hadithi hiyo. Alichukua kila mmoja kwa sababu maalum.

Kuhani ni mtu wa maana na anayepaswa kumpenda Mungu. Je kuhani alionyesha upendo kwa Mungu? Kuhani alipita kando ya mtu yule aliyejeruhiwa. Kuhani hakuonyesha upendowa Mungu kabisa.

Mlawi alikuwa Myahudi alireshughulikia hekalu. Kama kuhani alitarajiwa kuwa mtu aliyempenda na kumtumikia Mungu. Hata hivyo, yeye pia alimpita mtu aliyejeruhiwa. Alistahili kuwa mtu ambaye angemsaidia mtu aliyejeruhiwa.

Msamaria alikuwa mtu ambaye alichukiwa na watu wa dini wakati za Yesu. Waahudi walifikiria kuwa Wasamaria walikuwa wenye dhambi na asio sehemu a watu wa Mungu.

Ni nini kilichotokea wakati Msamaria alipomkuta mtu aliyejeruhiwa? Alimsaidia na kumshughulikia kwa gharama zake mwenyewe. Alihakikisha kuwa aliyejuruhiwa ametibiiwa na kuwa salama.

Yesu alisema “Chochote mtakachowatendea mmoja kati ya hawa wadogo mmenitendea mimi”.

Ni Msamaria mwema pekee, mtu wa hadhi ya chini, aliyeonyesha upendowa Mungu na kumshughulikia aliyejeruhiwa.

Kuhani na Mlawi wangefahamu maneno yote ya sawa ya kusema, wangefahamu jinsi ya kuimba nyimbo, namna ya kuomba na wangeheshimika katika makanisa yao.

Yesu hata hivyo hakujishughulisha na hayo. Alimtambulisha Msamaria kama mfano mwema wa kuigwa. Alimwambia mwalimu wa sheria “aende afanye hivyo”.

Haitoshi kuhubiri au kufunza kutoka kwa neno la Mungu. Watu wanahitaji kuona na kuathiriwa na neno la Mungu katika matendo yetu. Pia hatushahili kuwahukumu wale walio nje ya makanisa yetu. Ikiwa mtu anataka kutusaidia kufana mema basi lazima tuwaruhusu.

?

Mjadala

Ingieni katika makundi ya watu 3 au 4 na mjadiliane jinsi mnavyohisi kutokana na hadithi ya Msamaria Mwema. Unafikiraje kutokana na hadithi hii?

Tumieni muda mfupi kupanga mchezo wa kuigiza ili kuwaonyesha washirika wengine wa kikundi hadithi hii. Mmoja wenu awe kuhani, mwingine awe Mlawi, mmoja Msamaria mwema na mwingine achukue nafasi ya mtu aliyejeruhiwa. Onyesheni mchezo huu kwa kikundi chenu.



Kifungu cha Bibilia

Wasomee wanakikundi kifungu cha Biblia kwa nguvu. Kisha, wasaidie kukifahamu kwa kukikariri kwa nguvu mara kadhaa, huku wanakikundi wakirudia baada yako.

*Akajibu akasema, Mpende Bwana Mungu wako kwa moyo
wako wote, na kwa roho yako yote, na kwa nguvu zako zote, na
kwa akili zako zote; na jirani yako kama nafsi yako.*

Luka 10:27



Maombi

Elekeza kila mmoja katika kikundi kutafuta sehemu iliyo kimya na a kibinafsi wahimize waombe kwa dakika 5- 10. Washauri waombe kibinafsi na wamwombe. Mungu awaonyeshe ni mara ngapi wamekuwa kama kuhanzi au Mlawi, badala ya kuwa kama Msamaria Mwema.

Waambie wasihukumike kuhusiana na nyakati hizo. Wanatakiwa kuomba msamaha na kumwomba Mungu awawezeshe kufanya vyema wakati mwiingine.

Kisha kwa pamoja kama kikundi kwa sauti mshukuruni Mungu kwa kutupa kila kitu tunachohitaji ili tuweze kuwasaidia wote walio karibu nasi. Mwombeni Mungu awasaidie kama kikundi kufanya kazi kwa ushirikiano na kuleta utofauti kwa mahitaji ya kijiji chenu. Usipite tu kama kuhanzi na Mlawi bali uwe kama Msamaria Mwema.



Mfano wa Kuigwa: William Wilberforce

Wasimulie watu wote hadithi hii ili kuwatia moyo.

William Wilberforce aliishi nchini Uingereza zaidi a miaka 200 iliyopita. Alipogeuka na kuwa mkristo mwaka wa 1785 mabadiliko

makubwa kwa jinsi alivyoishi maisha yake. Alizungumza kwa ajili ya wale ambao hawakusikilizwa.

Katika nyakati zilizopita watu kutoka bara Afrika walichukuliwa kama watumwa kufanya kazi katika nchi zingine. William Wilberforce hakuamini kuwa Mungu aliona hili kuwa jambo la haki.

William Wilberforce alikuwa mwanasiasa na kwa sababu hiyo aliishia kuwa na ushawishi mkubwa katika serikali. Imani yake Kikristo ilimpelekea kufanya kampeni na kupiga tena na tena ili biashara ya watumwa ikomeshwe. Mara nyingi hoja na mapendekezo yake yalishindwa na kupingwa. Hata hivyo alijaribu tena na tena maara kadhaa.

Mwishowe afya yake ilianza kuwa mbaya. Siku tatu kabla ya kuaga dunia, alitambua kuwa kampeni yake ilifaalu, sheria ilibadilishwa na watu waliokuwa watumwa hawangekuwa watumwa tena.

Alikuwa kama Msamaria Mwema. Angeweza kupita na kuendelea mbele, lakini alivumilia kejeli na pingamizi, kuwaweka maelfu ya watu kutokana na maisha ya mateso na dhuluma. Huu ni mfano mzuri sana wa kuigwa nasi.

Mjadala

Ingieni katika makundi a watu 3 au 4. Jadilianeni masali yafuatayo.

- Msamaria Mwema alikuwa mtu ambaye angeweza kupita na kwenda zake ila hakufanya hivyo. Alimsaidia mtu yule aliyeangukia mikonini mwa wanyang'anyi na kumwibia. Ni mambo gani yanayotuzuia kufanya mambo ya kuwasaidia wengine karibu nasi? Tengenezeni orodha mionganoni mwenu.

- Angalieni orodha mliyotengeneza na mzungumzie jinsi mnaweza kushinda vizuizi hivi. Tunaweza kupuuza mahitaji yalio karibu nasi, au hata kufikiri kuwa hatuwezi kufanya chochote kuyahusu. Hili si jambo la kufikiria. Tunacho kila kitu tunachohitaji kwa Mungu, kuleta mabadilliko katika Vijiji vyetu.



Kifungu cha Bibilia

Wasomee wanakikundi kifungu cha Biblia kwa nguvu. Kisha, wasaidie kukifahamu kwa kukikariri kwa nguvu mara kadhaa, huku wanakikundi wakirudia baada yako.

Akajibu akasema, Mpende Bwana Mungu wako kwa moyo wako wote, na kwa roho yako yote, na kwa nguvu zako zote, na kwa akili zako zote; na jirani yako kama nafsi yako.

Luka 10:27



Kazi ya Wiki

Amueni kukutana wiki hii.

Mnahitaji kuamua ni jambo gani kubwa ambalo mnataka kufanya Kijijini. Labda hamtakubaliana kama kikundi, lakini mnapaswa kufanya uamuzi wa kufanya mambo kwa ushirikiano.

Huenda mlipata wazo katika wiki iliyopita ambalo litawasaidia kuzungumzia mada.

- Tengenezeni orodha ya vitu mtakavyohitaji kwa ajili ya mradi. Kumbukeni ya kwamba vitu mnavyohitaji mara nydingi si pesa. Mnaweza kuhitaji mbegu, kipande cha shamba au jembe kwa mfano. Kitu mnachohitaji kinaweza kuwa mtu anayefahamu jinsi a kufanya jambo fulani.
- Wekeni alama vitu vyote mlivyo navyo mionganoni mwenu na

mshukuru Mungu kwa ajili ya vitu hivyo.

- Tengenezeni orodha ya vitu ambavyo mnavihitaji bado na muombe ili vitolewe. Fikirieni pia njia ambazo mnaweza kupata, kuomba au kununua vitu hivi.

Nenda umwone kiongozi wa kikundi au kiongozi wa kijiji. Zungumza nao kuhusu wazo ulilonalo na hasa kile ambacho utahitaji kulifanikisha. Waulize ikiwa wanaweza kukusaidia na vitu unavyohitaji. Labda kama kikundi mnahitaji kuomba ushauri wao. Tembelea mtu mwengine ye yote ambaye anaweza kukusaidia na uzungumze nao kile ambacho mnataka kufanya na jinsi ambavyo wanaweza kukusaidia.

Omba ili Mungu akusaidie.

7: Mungu Hututimizia Haja Zetu



Lengo

Somo hili litatusaidia kufahamu kuwa si matajiri au wenyе nguvu na wakaazi wa miji ya ulimwenguni ambaо Mungu huwatimizia haja zao tu, bali pia sisi moja kwa moja katika vijiji vyetu. Ikiwa tunafuata mapenzi yake, tutapokea haja zetu binafsi.



Kifungu cha Bibilia

Wasomee wanakikundi kifungu cha Biblia kwa nguvu. Kisha,

wasaidie kukifahamu kwa kukikariri kwa nguvu mara kadhaa, huku wanakikundi wakirudia baada yako.

Bali utafuteni kwanza ufalme wake, na haki yake; na hayo yote mtazidishiwa.

Mathayo 6:33



Maarifa ya Biblia

Wasomee wanakikundi hadithi hii kwa sauti.



Usisumbuke (Mathayo 6:25-34)

²⁵ *Kwa sababu hiyo nawaambieni, Msisumbukie maisha yenu, mle nini au mnywe nini; wala miili yenu, mvae nini. Maisha je! Si zaidi ya chakula, na mwili zaidi ya mavazi?*

²⁶ *Waangalieni ndege wa angani, ya kwamba hawapandi, wala hawavuni, wala hawakusanyi ghalani; na Baba yenu wa mbinguni huwalisha hao. Ninyi je! Si bora kupita hao? ²⁷ Ni yupi kwenu ambaye akitijisumbua aweza kujiongeza kimo chake hata mkono mmoja? ²⁸ Na mavazi, ya nini kuyasumbukia? Fikirini maua ya mashamba, jinsi yameavyo; hayafanyi kazi, wala hayasokoti ²⁹ nami nawaambia, ya kwamba hata Sulemani katika fahari yake yote hakuvikwa vizuri kama mojawapo la hayo. ³⁰ Basi, ikiwa Mungu huyavika hivi majani ya kondeni, yaliyopo leo, na kesho hutupwa kalibuni, je! Hatazidi sana kuwavika ninyi, enyi wa imani haba? ³¹ Msisumbuke, basi, mkisema, Tule nini? Au Tunywe nini? Au Tuvae nini? ³² Kwa maana hayo yote Mataifa huyatafuta; kwa sababu Baba yenu wa mbinguni anajua ya kuwa mnahitaji hayo yote. ³³ Bali utafuteni kwanza ufalme wake, na haki yake; na hayo yote mtazidishiwa. ³⁴ Basi msisumbukie ya kesho; kwa kuwa kesho*

itajisumbukia yenyewe. Yatosha kwa siku maovu yake.

Matatizo kadhaa yanaweza kutuzuia tusimtii Mungu kwa kufanya yale anayotaka tuyafanye katika kijiji chetu. Labda kati ya haya yote ni matatizo na masumbuko kuhusu pesa ndiyo yanatuzuia sana.

Mojawapo ya namna hili linatuzuia ni kusubiri mtu mwingine mwenye pesa atusaidie kwa kututolea. Tunweza kuwategemea ukoo au jamaa walio na pesa wanaokaa mjini. Tunaweza kusubiri ujio wa mfadhili au shirika kutusaidia. Tunawategemea kwa msaada mkubwa zaidi ya vile tunavyomtegemea Mungu kutupa haja zetu.

Tunaweza pia kushika katika hali ya kujitafutia binafsi. Hii inaeleweka, ila tukikumbuka mafunzo ya mwanamke mjane na kanisa la Makedonia, haya si mapenzi ya Mungu. Anataka pia sisi tushughulie na kujali mahitaji ya wengine.

Kitu kikubwa kinachotuzuia tusimwamini Mungu ni masumbuko.

Hadithi hii inatueleza tuangalie mazingira asili. Tuangalie ndege wa angani na maua ya kondeni na kufahamu kuwa Mungu huyashughulikia.

Mungu anatuambia tusiulize, “Tutakunywa nini? Tutavaa nini? Au tutakula nini?” kwa sababu tukimwamini ye ye pekee atatupa haja zetu zote.

Kusumbuka na kutomwamini Mungu ni dhambi. Watu wa mataifa hawakumjua Kristo wala injili yake. Kufadhaika na kufuatilia vitu hivi ni kuwa mtaifa, na sivyo anavyotaka Mungu. Mungu anataka tufanye bidii na kuwa waangalifu, ila hataki tufadhaike na kusumbuka kwa kujiwekea kila kitu tunachopata badala ya kupeana mali na pesa kwa

wengine.

Badala ya kufadhaika, tunapaswa kupeana mizigo yetu kwa Yesu ambaye atatusaidia kuzibeba. Tukifikiria kuhusu yale ambayo tunataka kufanya katika Vijiji vyetu basi tunahitaji kupeana masumbuko, mafadhaiko na mahitaji yetu kwa Mungu.



Mjadala

Katika makundi ya watu 3 au 4 jadilini na mzungumzie aina ya vitu tunavyosumbukia.

Pili waulize wanakikundi waseme wataje wakati ambao Mungu aliwapa mahitaji yao na kujibu maombi yao.

Je kuna haja kumsubiri mtu kututimizia mahitaji yetu? Je Mungu anaweza kutushughulikia kwa kutupa haja zetu moja kwa moja?



Kifungu cha Bibilia

Wasomee wanakikundi kifungu cha Biblia kwa nguvu. Kisha, wasaidie kukifahamu kwa kukikariri kwa nguvu mara kadhaa, huku wanakikundi wakirudia baada yako.

Bali utafuteni kwanza ufalme wake, na haki yake; na hayo yote mtazidishiwa.

Mathayo 6:33



Maombi

Jigawanyeni katika makundi ya wawili wawili. Himiza kila kikundi kisimuliane kile wanachosumbukia katika maisha yao kwa sasa. Huenda ikawa ni mtu wa familia yao, chakula au kitu kingine.

Shirikini na wengine kati yenu na kisha muombe ili Mungu atimize

haja hiyo

Kisha jiungeni pamoja katika kikundi kikubwa na muombe kuhusu maamuzi ambao mmekuwa mkifanya kuwasaidia watu wa kijiji chenu. Ikiwa mna orodha ya vitu mnavyohitaji, itoeni na muombe Mungu awatimizie mahitaji moja kwa moja kwa kuhtarisha.



Mfano wa Kuigwa: Ndugu Yun

Wasimulie watu wote hadithi hii ili kuwatia moyo.

Ndugu Yun alikuwa mchungaji maskini wa kanisa moja la ‘kisiri’ nchini China. Nchini China, ilikuwa kinyume cha sheria kwa Wakristo kukutana na kuabudu kwa pamoja na viongozi wake wengi na hata washirika wa kawaida waliishia kufungwa jela.

Katika maisha yake awali alihitaji Biblia na Mungu akampa Biblia kimuujiza. Mkristo mwagine kutoka mkoaa wa mbali sana aliota ndoto na akamtembelea, na kumpaa Biblia.

Baadaye katika maisha yake Ndugu Yun alikamatwa na kupelekwa jela kuu ya Zhengzhou lakini aliendelea kushuhudia kwa wafungwa na walinzi alipokuwa huko. Wafungwa pamoja na walinzi wakafanyika Wakristo. Ndugu Yun aliteseka sana katika gereza lile mpaka akadhani ya kuwa angekufa.

Siku moja alisikia Roho Mtakatifu akimhimiza atoke katika lango la gereza hilo lililolindwa sana. Hili lilikuwa kama jambo lisiloaminika kwake, lakini kwa kuwa Mungu alimwambia afanye hivyo, aliamua kutii. Akihtarisha kupigwa risasi alipita katika malango mengi yaliyokuwa yameachwa wazi na nje ya lango kuu, akaruka katika ukuta mrefu mno katika hali hiyo.

Ilikuwa kana kwamba alikuwa haonekani kwa walinzi. Mungu alimsaidia alipokuwa gerezani na akamfanyia njia ya kutoka, kama alivyowafanyia Paulo na Sila katika kitabu cha Matendo ya Mitume.

Mungu alimtendea ndugu Yun moja kwa moja. Hakuhitaji yeoyote wa kumsaidia moja kwa moja kwa kuwa Mungu aliokoa maisha yake. Aliweka imani kwa Mungu wala si kwa mwanadamu.



Mjadala

Katika makundi ya watu 3 au 4 jadilianeni swalii lifuatalo.

Je tunaamini kuwa Mungu anaweza kutupatia vitu tunavyohitaji? Tengenezeni orodha ya vitu mnavyohitaji. Je Mungu anaweza kuwapa?



Kifungu cha Bibilia

Wasomee wanakikundi kifungu cha Biblia kwa nguvu. Kisha, wasaidie kukifahamu kwa kukikariri kwa nguvu mara kadhaa, huku wanakikundi wakirudia baada yako.

Bali utafuteni kwanza ufalme wake, na haki yake; na hayo yote mtazidishiwa.

Mathayo 6:33



Kazi ya Wiki

Tengeni muda wa kukutana wiki hii. Huu ni muda wa kuanza kile milichoamua kufanya katika Kijiji chenu. Mtahitaji kutenga muda kama kikundi na kujitolea kwa ukamilifu.

Angalia kile kinachohitajika kufanywa na mgawanye majukumu kwa kila mmoja katika kikundi. Mkumbuke kuwa Mungu ametupa karama zote na talanta. Hakikisheni hamzipotezi.

Sote tunatofautiana kwa hivyo lazima tukumbuke kupeana majukumu kwa walio uwezo wa kuyafanya. Wengine wanaweza kuwa na nguvu, wengine wastaarabu katika mipangilio na wengine wanaweza kuwa bora katika utekelezaji.

Wakati tutahitaji kufanya vitu ambavyo hatujawahi kufanya hapo mbeleni au vilivyo vigumu kufanywa nasi. Msigope. Badala yake mwombeni Mungu msaada.

Mtoto hawezi kujifunza kutembea kama hakuchukua hatua zake za kwanza. Hivyo ndivyo ilivyo kwa yale tunayofanya kwa Vijiji chetu.

Wacha tutoke kwa pamoja wiki hii.

8: Imani - Tunahitaji Kuamini



Lengo

Somo hili linalenga kutusaidia kuelewa baadhi ya mifano ya watu waliokuwa na imani katika Biblia na inachomaanisha kwetu katika kijiji chetu.



Kifungu cha Bibilia

Wasomee wanakikundi kifungu cha Biblia kwa nguvu. Kisha, wasaidie kukifahamu kwa kukikariri kwa nguvu mara kadhaa, huku wanakikundi wakirudia baada yako.

Basi imani ni kuwa na hakika ya mambo yatarajiwayo, ni bayana ya mambo yasiyoonekana...Lakini pasipo imani haiwezekani kumpendeza; kwa maana mtu amwendeaye Mungu lazima aamini kwamba yeye yuko, na kwamba huwapa thawabu wale wamtafutao.

Waebrania 11:1 na 6



Maarifa ya Biblia

Tutaangazia baadhi ya mifano kutoka kwa Waebrania kutusaidia kuelewa imani. Waebrania Sura ya 11 ni ndefu kwa hivyo tutasoma baadhi ya mistari michache ila unaweza kusoma sura au mlango wote nyumbani ikiwa una Biblia.

Wasomee wanakikundi wote hadithi hii ya Biblia kwa sauti.



Imani (Waebrania 11:1-12)

¹*Basi imani ni kuwa na hakika ya mambo yatarajiwayo, ni bayana ya mambo yasiyoonekana.* ²*Maana kwa hiyo wazee wetu walishuhudiwa.* ³*Kwa imani twafahamu ya kuwa ulimwengu uliumbwa kwa neno la Mungu, hata vitu vinavyoonekana havikufanywa kwa vitu vilivyo dhahiri.*

⁴*Kwa imani Hibili alimtolea Mungu dhabihu iliyo bora kuliko Kaini; kwa hiyo alishuhudiwa kuwa ana haki; Mungu akazishuhudia sadaka zake, na kwa hiyo, ijapokuwa amekufa, angali akinena.* ⁵*Kwa imani Henoko alihamishwa, asije akaona*

mauti, wala hakuonekana, kwa sababu Mungu alimhamisha; maana kabla ya kuhamishwa alikuwa ameshuhudiwa kwamba amempendeza Mungu.⁶ Lakini pasipo imani haiwezekani kumpendeza; kwa maana mtu amwendeaye Mungu lazima aamini kwamba yeye yuko, na kwamba huwapa thawabu wale wamtafutao.⁷ Kwa imani Nuhu akiisha kuonywa na Mungu katika habari za mambo yasiyoonekana bado, kwa jinsi alivyomcha Mungu, aliunda safina, apate kuokoa nyumba yake. Na hivyo akauhukumu makosa ulimwengu, akawa mrithi wa haki ipatikanayo kwa imani.

⁸Kwa imani Ibrahimu alipoitwa aliiitika, atoke aende mahali pale atakapopapata kuwa urithi; akatoka asijue aendako. ⁹Kwa imani alikaa ugenini katika ile nchi ya ahadi, kama katika nchi isiyo yake, akikaa katika hema pamoja na Isaka na Yakobo, warithi pamoja naye wa ahadi ile ile. ¹⁰Maana alikuwa akiutazamia mji wenye misingi, ambao mwenye kuubuni na kuujenga ni Mungu. ¹¹Kwa imani hata Sara mwenyewe alipokea uwezo wa kuwa na mimba; alipokuwa amepita wakati wake; kwa kuwa alimhesabu yeye aliyeahidi kuwa mwaminifu. ¹²Na kwa ajili ya hayo wakazaliwa na mtu mmoja, naye alikuwa kama mfu, watu wengi kama nyota za mbinguni wingi wao, na kama mchanga ulio ufuoni, usioweza kuhesabika.

Hawa watu wote katika Biblia kutoka kwa Kitabu cha Waebrania ni wa Agano la Kale. Mwandishi wa hadithi alikuwa anawaandikia Wayahudi ambao wangewatambua hawa watu wote. Kwa kuwa hatukukua tukijua historia za watu hawa, inabidi tujifunze historia hizi na mfano bora wanaotuonyesha.

Imani ni kuamini na kuwa na uhakika wa yale tusiyoynaona. Pasipo imani haiwezekani kumpendeza Mungu. Watu ambao ni wana wa

Mungu wanatarajiwa kuishi kwa kufuata mfumo wa sheria kuliko wengine. Kwa mfano Mungu akisema atapeana, basi tunapaswa kuamini hilo na kufanya inavyopasa. Mungu akisema atatulinda, tunapaswa kuamini na kufanya inavyotupasa.

Iwapo tutachukua watu wawili kutoka kwa hadithi tutatambua maana ya imani kwa watu wawili kutoka kwa Agano la Kale la Biblia.

Hadithi ya Nuhu (inapatikana katika Mwanzo sura ya 6-9)

Waebraania 11:7 inazungumza kuhusu imani ya Nuhu.

Katika Mwanzo 6:22 inasema “Ndivyo alivyofanya Nuhu, sawasawa na vyote alivyomwamuru Mungu.” Mungu alikuwa anaenda kutuma mafuriko na bado Mungu alitaka kuwaokoa wale waliomwamini. Alimwagiza Nuhu kujenga safina mahali pasipokuwa na maji! Watu walimkejeli Nuhu na wakadhani alikuwa mwendawazimu. Kisha maji yakaja na kila mmoja isipokuwa Nuhu na familia yake walikufa. Imani ya Nuhu kwa Mungu illiokoa maisha yake.

Imani inahitaji matendo. Hii ina maana kuwa imetupasa kufanya kile anachotaka Mungu hata kama hatufahamu kabisa sababu zake.

Hadithi ya Ibrahimu (inapatikana katika Mwanzo Sura ya 16 na 17)

Waebraania 11:8-12 inazungumza kuhusu imani ya Ibrahimu na mkewe Sara.

Ibrahimu aliambiwa na Mungu ya kuwa atapata mtoto wa kiume ijapokuwa alikuwa mkongwe na mkewe alikuwa tasa. Mkewe hakuamini kabisa, alicheka na kucheka tena alipoambiwa. Mungu pia alimwambia ya kwamba uzao wake utazidi na kuwa mwingi kama nyota. Ibrahimu aling’ang’ana kuamini. Alijaribu kuyafanikisha

kivyake, alipolala na mjakazi wake. Hata hivyo, aliamini mwishowe. Mungu alimpa Ibrahimu na mkewe mtoto na akatimiza ahadi yake kwao.

Alikuwa na imani ijapokuwa alikufa kabla ya kupokea ahadi nzima. Uzao haukuwa umezidi na kuwa wengi kama nyota za angani. Nakati zingine inatubidi tusubiri kwa muda mrefu kabla Mungu ayajibu maombi yetu au atimize ahadi yake. Uzao wa Ibrahimu leo hii ni watu wote walio na imani katika Mungu wa Izraeli. Mungu alitimiza ahadi yake kwa Ibrahimu.



Mjadala

Katika makundi ya watu 3 au 4 jadilini maswali yafuatayo.

- Je una imani kama Ibrahimu au Nuhu ili uweze kufanya kile walichofanya?
- Tunahitaji nini kuamini na kuwa na imani kwa Mungu? Tengeneza orodha ya vitu maalum katika maisha yako au kijiji chenu.



Kifungu cha Bibilia

Wasomee wanakikundi kifungu cha Biblia kwa nguvu. Kisha, wasaidie kukifahamu kwa kukikariri kwa nguvu mara kadhaa, huku wanakikundi wakirudia baada yako.

Basi imani ni kuwa na hakika ya mambo yatarajiwayo, ni bayana ya mambo yasiyoonekana...Lakini pasipo imani haiwezekani kumpendeza; kwa maana mtu amwendeaye Mungu lazima aamini kwamba yeye yuko, na kwamba huwapa thawabu wale wamtafutao.

Waebrania 11:1 na 6



Mfano wa Kuigwa: Ndugu Andrea

Msimulie kila mmoja hadithi hii kwa ajili ya kumtia moyo.

Mwana wa mhunzi mmoja, Ndugu Andrea hakumaliza masomo ya Shule ya Upili. Lakini Mungu alimtumia Mholanzi, aliyekuwa na mgongo usio sawa, mwenye elimu kidogo, asiye na mfadhibili na bila fedha kufanya mambo ambayo watu wengi walisema hayawezekani. Kutoka Yugoslavia hadi Korea Kaskazini, Ndugu Andrea alipenyeza mataifa yaliyopinga Injili kufikisha Biblia na kuwatia moyo walioamini. Mara nyingi, alihatarisha maisha yake kwa kuyaweka katika hali hatari na matatizo kwa sababu ya wengine.

Mfano mmoja wa jinsi Mungu alivyopeana kwa muujiza wakati Andrea alihitaji kulipia viza yake. Andrea alipopokea mgeni siku moja kabla alihitaji kutuma maombi yake ya viza, alikuwa na uhakika kuwa mgeni atakuja kumpa fedha za kulipia viza yake. Lakini mgeni mwenyewe alikuwa Richard, mtu ambaye Andrea alikuwa amekutana naye katika mitaa ya mabanda Glasko. Richard hakuja kutoa, bali kuomba. Andrea alieleza ya kwamba ye ye hakuwa na pesa za kumpa Richard, lakini alipoongea Andrea aliona shilingi sakafuni. Shilingi hii ilikuwa kiasi kile Andrea alihitaji kulipia viza yake na ingemaanisha kuwa angeendelea kukaa katika chuo cha Biblia. Badala ya kuiwekea shilingi hiyo, Andrea alipeana shilingi hiyo kwa Richard. Andrea alifanya kile alichojuia kinafaa, lakini je Mungu angemtimizia haja yake vipi? Dakika chache baadaye, Andrea alipokea barua na ndani yake kulikuwa na shilingi 30! Mungu alimtimizia haja yake katika njia yake, mfumo wa kimiujiza wa kutimiziwa.

Katika miaka iliyofuata, Andrea alijitoa maisha yake kwa mahitaji ya kanisa lililopo katika matifa ya Kikomunisti. [Katika

nchi za Kikomunisti, Biblia haikuruhusiwa kuuzwa, kuchapwa au kosomwa. Serikali ilipinga Wakristo na Makanisa, ikiwafunga jela wachungaji na kufanya maisha wanawake na wanaume wa kawaida kuwa magumu.]

Mungu alimpa Andrea gari mpya aina ya Vokswageni Beetle na kwa njia hii Ndugu Andrea aliingiza kwa siri. Biblia na rasilimali zingine katika mataifa yaliyozihitaji. Huku akifanya kazi peke yake miaka michache ya awali, Andrea alishughulika pasipo kuchoka kutumikia makanisa yaliyokuwa katika mataifa ya Kikomunisti. Andrea alipomaliza ziara alirudi nchini Uholanzi alikosimulia masaibu yake na kisha kuzuru mojawapo ya mataifa. Kila ziara ilijaa hadithi ya jinsi Mungu alivyopeana kimiujiza na kumwongoza Andrea kukutana na waumini wa kiungu.²



Maombi

Ombeaneni katika makundi ya wawili wawili.

Ombeni kwamba kila mmoja wenu apewe karama ya imani na ili muanze kuamini Mungu kwa imani zaidi ya ile mliyokuwa nayo hapo awali.

Karama ya imani ni karama ya kiroho, kwa hivyo tunachoomba lazima tuamini kuwa Bwana atatupatia. Yakobo 1:6 inasema kuwa tunapoomba, lazima tuamini na tusiwe na shaka.

Kumbuka Yesu alisema kuwa tulihitaji imani kiasi ya chembe ya haradali ili kuihamisha milima. Iwapo tutakuwa na imani kwa mambo madogo, basi jitie moyo na unapomwamini Mungu kwa

²Wortes, David N. (10 February 2012), *Brother Andrew Biography* [ONLINE] Available at: <https://www.inspirationalchristians.org/evangelists/brother-andrew-biography/> [Accessed 28 April 2020]

mambo madogo imani yako itakua. Hatimaye utaweza kuwa na imani kwa mambo makubwa.



Kazi ya Wiki

Amueni siku na sehemu mtakayokutana wiki hii.

Mnahitaji kutengeneza orodha ya vitu mtakavyohitaji kwa kazi yenu.

Mojawapo ya vitu mnavyohitajika kufanya ni kuangalia orodha miliyotengeneza ya kile mnachohitaji, na muamue jinsi mtakavyopata baadhi ya vitu hivyo.

- Je mnahitaji kutengeneza vitu?
- Je mmeweza kuomba vitu?
- Je mnahitaji kukusanya pesa katika kikundi chenu ili kununua kitu?
- Je mnahitaji kutafuta mtu aliye na ujuzi au maarifa ili kuwasaidia kujifunza kitu kipyta?
- Je kuna mashirika mengine ambayo yanaweza kuwasaidia?

Chochote mnachofanya, msikae na kusubiri mtu mwingine awafanyie kila kitu. Watu ambao Mungu aliwatumia katika kanisa la kwanza walikuwa Wakristo wa kawaida kila siku, bali si watu kutoka nje.

Tukumbuke kuwa, kama Wakristo wa kawaida tunaye Mungu wa ajabu awezaye kufanya mambo ya ajabu kupitia sisi, watu wake. Tunahitaji kuwa imani na uaminifu kwake tunapomtumikia.

9: Kutumia Vipawa Vyako



Lengo

Somo hili limekusudiwa kukusaidia kufahamu kuwa kila mmoja katika kikundi ana karama na talanta tofauti alizopewa na Mungu. Hivyo basi, tunaweza kutumia talanta hizi kwa pamoja kwa uzuri wa kila mmoja.



Kifungu cha Bibilia

Wasomee wanakikundi kifungu cha Biblia kwa nguvu. Kisha, wasaidie kukifahamu kwa kukikariri kwa nguvu mara kadhaa, huku

wanakikundi wakirudia baada yako.

Basi pana tofauti za karama; bali Roho ni yeye yule. Tena pana tofauti za huduma, na Bwana ni yeye yule. Kisha pana tofauti za kutenda kazi, bali Mungu ni yeye yule azitendaye kazi zote katika wote.

1 Wakorintho 12:4-6



Maarifa ya Biblia

Wasomee wanakikundi hadithi hii ya Biblia kwa sauti. Ni hadithi ya Yesu aliyosimulia kutusaidia kutumia talanta na vipawa alivyotupa Mungu kwa ajili ya kazi yake.



Mfano wa Mifuko ya Dhahabu (Mathayo 25:14-30)

¹⁴*Maana ni mfano wa mtu atakaye kusafiri, aliwaita watumwa wake, akaweka kwao mali zake.* ¹⁵*Akampa mmoja talanta tano, na mmoja talanta mbili, na mmoja talanta moja; kila mtu kwa kadiri ya uwezo wake; akasafiri.* ¹⁶*Mara yule aliyepokea talanta tano akaenda, akafanya biashara nazo, akachuma faida talanta nyngine tano.* ¹⁷*Vile vile na yule mwenye mbili, yeye naye akachuma nyngine mbili faida.* ¹⁸*Lakini yule aliyepokea moja alikwenda akafukua chini, akaificha fedha ya bwana wake.* ¹⁹*Baada ya siku nyinyi akaja bwana wa watumwa wale, akafanya hesabu nao.* ²⁰*Akaja yule aliyepokea talanta tano, akaleta talanta nyngine tano, akisema, Bwana, uliweka kwangu talanta tano; tazama, talanta nyngine tano nilizopata faida.* ²¹*Bwana wake akamwambia, Vema, mtumwa mwema na mwaminifu; ulikuwa mwaminifu kwa machache, nitakuweka juu ya mengi; ingia katika furaha ya bwana wako.* ²²*Akaja na yule aliyepokea talanta mbili, akasema, Bwana, uliweka kwangu talanta mbili; tazama, talanta nyngine mbili nilizopata*

*faida.*²³*Bwana wake akamwambia, Vema, mtumwa mwema na mwaminifu; ulikuwa mwaminifu kwa machache, nitakuweka juu ya mengi; ingia katika furaha ya bwana wako.*²⁴*Akaja na yule aliyepokea talanta moja, akasema, Bwana, nalitambua ya kuwa wewe u mtu mgumu, wavuna usipopanda, wakusanya usipotawanya;*²⁵*basi nikaogopa, nikaenda nikaificha talanta yako katika ardhi; tazama, unayo iliyo yako.*²⁶*Bwana wake akajibu, akamwambia, Wewe mtumwa mbaya na mlegevu, ulijua ya kuwa navuna nisipopanda, nakusanya nisipotawanya;*²⁷*basi, ilikupasa kuiweka fedha yangu kwa watoao riba; nami nikija ningalipata iliyo yangu na faida yake.*²⁸*Basi, mnyang'anyeni talanta hiyo, mpeni yule aliye nazo talanta kumi.*²⁹*Kwa maana kila mwenye kitu atapewa, na kuongezewa tele; lakini asiye na kitu, hata kile alichochi nacho atanyang'anywa.*³⁰*Na mtumwa yule asiyefaa, mtupeni mbali katika giza la nje; ndiko kutakuwako kilio na kusaga meno.*

Yesu alinena kwa mifano ili kutusaidia kujua jinsi ufalme wa Mungu ulivyo. Watu hao watatu walipewa fedha kulingana na uwezo wao.

Kila mmoja wetu amepewa vipawa na uwezo ambao tunahitaji kuufanyia kazi nzuri. Watu wawili wa kwanza walisifiwa kwa kutumia pesa zao kutengeneza faida. Kisha waliaminiwa kwa mambo makubwa. Hata hivyo, mtu mmoja alimvivu na mwoga alificha talanta yake pasipo na faida kwa yeoyote.

Mtu huyu aliiwtwa mwovu na talanta yake ikachukuliwa kutoka kwake. Katika. Yohana 12:23-25. Yesu anasema ukitafuta kupata uzima katika ulimwengu huu, utaupoteza. Anatueleza hapa ya kuwa imetupasa kupeana maisha yetu bali si kuyashikilia. Ni vibaya pia kuruhusu uwoga kutuzuia kufanya jambo fulani. Madhara yake ni sawa na kuwa mvivu; tunapokuwa waoga kazi bado haitafanyika.

Kuna jambo moja muhimu tunalopaswa kuelewa. **Mifuko ya dhahabu na vipawa vya watu vilivyopeanwa kwa watu havikuwa kwa matumizi ya kibinagsi.** Vilikuwa kwa matumizi ya Bwana. Ijapokuwa walipokea thawabu, iwapo wangejiwekea talanta zao kwa sababu za kibinagsi wangkuwa kama mtumwa mwovu na mvivu.

Talanta zetu zimekusudiwa kutumika kwa ajili ya Mungu, na tumeona ya kuwa kazi yake ni kupenda wale walio karibu nasi na kuwaeleza kuhusu Yesu. Tusipofanya hivyo basi hatutumii talanta zetu, bali tunajiwekea binagsi.

Mjadala

Kila mtu akiwa pekee afikirie mambo yafuatayo kwa dakika chache.

Fikiria vitu ambavyo una uzoefu wa kuvifanya na vile ambavyo hauna uzoefu wa kuvifanya. Fikiria vitu vitatu ambavyo unaweza kuvifanya vizuri na vile ambavo huwezi kuvifanya vizuri na kisha uviandike chini.

Gawanya kikundi katika makundi ya watu 3 na mjadili yafuatayo.

- Jadilini kile hasa kinachotuzuia tusiweke talanta zetu kwa matumizi mema katika Kijiji chetu?
- Tunawezaje kubadilisha mambo yote yanayotuzuia, ili tuweke talanta zetu kwa matumizi mazuri?
- Katika makundi, fikirieni kazi moja ambayo mna uwezo wa kuifanya vizuri. Shaurianeni miongoni mwenu kwa kuambiana kile mnawenza kufanya vizuri.

Kifungu cha Bibilia

Wasomee wanakikundi kifungu cha Biblia kwa nguvu. Kisha, wasaidie kukifahamu kwa kukikariri kwa nguvu mara kadhaa, huku

wanakikundi wakirudia baada yako.

Basi pana tofauti za karama; bali Roho ni yeye yule. Tena pana tofauti za huduma, na Bwana ni yeye yule. Kisha pana tofauti za kutenda kazi, bali Mungu ni yeye yule azitendaye kazi zote katika wote.

1 Wakorintho 12:4-6



Mfano wa Kuigwa: Jackie Pullinger

Isimulie hadithi hii kwa kila mmoja kuwatia miyo.

Tunaweza kuwa mwalimu, mkulima au kitu kingine, lakini sote tunaweza kwenda na kufanya jambo kwa ajili ya Mungu.

Jackie alikuwa na miaka 15. Alitaka kuwa mumishinari, kwa hivyo aliyandikia mashirika kadhaa ya kimishinari. Mwanzo, alitaka kwenda Afrika, lakini alipata ndoto iliyosisimua wazo la kwenda Hong Kong. Baada ya kukosa msaada kutoka kwa mashirika kimishenari, alitafuta ushauri kutoka kwa Richard Thompson, mhudumu...aliyemwambia anunue tikiti ya mashua inayoenda umbali wowote ambao angefika na aombe ili ajue wakati ambao anepaswa kutoka kwenye mashua. Alifuata maagizo yake na akaenda Hong Kong mwaka wa 1966. Hata hivyo, alipofika hakujua mtu yeote na hakuwa na fedha za kutosha... Sababu ya pekee ya maaftisa wa idara ya uhamiaji walimruhusu kuingia ni kwa sababu mwana wa kusimamiwa na mamake alikuwa afisa wa polisi hapo. Alipata kazi kama mwalimu wa shule ya msingi Mjini Kowloon Walled, ambao miaka ya 1960 haukuwa na ulinzi wa askari na hivyo basi ukawa mojawapo wa maeneo makubwa zaidi ulimwenguni yanayozalisha mihadarati yaliyoendeshwa na wahalifu wa Kichina. Alianzisha chama vijana cha kusaidia waraibu wa madawa ya kulevya na wanaolala katika miji.

Mwaka wa 1981 alianzisha shirika la ufadhili lililoitwa Jamii ya Mt. Stefani lililotoa makao ya kurekebisha waraibu wa madawa ya kulevy, makahaba na washirika wa magenge. Kufikia Disemba 2007 lilikuwa limekua na kutoa makao kwa watu 200. Kazi ya Shirika imetambuliwa na serikali ya Hong Kong waliota ardhi kwa makao ya kubadilisha tabia. Hatua ya kuingilia kati kwa kile ambacho waraibu hukabiliana nayo ni nzito mno. Badala ya kuwapa tiba wanawekwa katika chumba kwa siku 10, wanaombewa na kushughulikiwa kundi la watu waliokuwa waraibu.³

Haya yote na zaidi yalitendeka kwa sababu Jackie alikuwa tayari kupeana kile kidogo alichokuwa nacho na kumfuata Mungu. Hakuwa kama mtumwa mvivu na mwoga. Huenda hatufahamu jinsi ya kufanya jambo, au hata pesa za kulifanya. Tukiwa na Mungu hata hivyo, anaweza kutuonyesha njia na mambo makubwa yanaweza kutendeka.



Maombi

Katika makundi ya watu 2 au 3 ambayo mmekuwamo mtahitajika kuombea mambo yafuatayo:

- Ombeni kwa ajili ya kila mmoja wenu na vitu vyote mmekuwa mkijadiliana.
- Mshukuruni Mungu kwa ajili ya talanta alizopeana kwa kila mmoja wenu.
- Ombeni kuwa vizuizi vyote vinavyowazuia kutumia vipawa au talanta zenu vitashindwa.
- Ombeni hasa kwa Roho Mtakatifu awasaidie katika kutumia

³Unknown (15 March 2020), *Jackie Pullinger* [ONLINE] Available at: https://en.wikipedia.org/wiki/Jackie_Pullinger [Accessed 18 April 2020]

- vipawa na talanta zenu kwa ajili ya wengine.
- Ombeni kwamba vitu mnavyofanya vitafanywa vizuri, na ya kuwa hamtafanya kazi mbaya au ya kivivu.



Kifungu cha Bibilia

Wasomee wanakikundi kifungu cha Biblia kwa nguvu. Kisha, wasaidie kukifahamu kwa kukikariri kwa nguvu mara kadhaa, huku wanakikundi wakirudia baada yako.

Basi pana tofauti za karama; bali Roho ni yeye yule. Tena pana tofauti za huduma, na Bwana ni yeye yule. Kisha pana tofauti za kutenda kazi, bali Mungu ni yeye yule azitendaye kazi zote katika wote.

1 Wakorintho 12:4-6




Kazi ya Wiki

Endelea kufanya mradi wako mdogo ukiamini kwa imani ya kuwa Mungu atakusaidia, atakupa mahitaji na kukufanikisha.

Hakikisha unagawanya majukumu miongoni mwenu. Mnaweza kufanya vizuri zaidi kama timu. Pia hakikisha kuwa unawasikiliza baadhi ya washirika wanyamavu wa kikundi kwa sababu wanaweza kuwa na mawazo mazuri.

Hakikisheni mmeamua kumaliza mradi na hamkati tamaa!

10: Upendo wa Mungu Husambaa



Lengo

Lengo la somo hili ni kutusaidia kufahamu kuwa tunalo jukumu kubwa kama wana wa Mungu. Imetupasa kuwa nuru katika vijiji vyetu. Vile vile tunatakiwa kuitisha nuru hiyo kwa wengine ambao wanaweza kufanya mengi zaidi kuliko sisi.



Kifungu cha Bibilia

Wasomee wanakikundi kifungu cha Biblia kwa nguvu. Kisha, wasaidie kukifahamu kwa kukikariri kwa nguvu mara kadhaa, huku

wanakikundi wakirudia baada yako.

Vivyo hivyo nuru yenu na iangaze mbele ya watu, wapate kuyaona matendo yenu mema, wamtukuze Baba yenu aliye mbinguni.

Mathayo 5:16



Maarifa ya Biblia

Soma hadithi hii ya Biblia kwa kikudi na kwa sauti, ukihakikisha kuwa kila mmoja anasikiliza na kuelewa.



Kuhusu Kutumikia Wengine (Mathayo 25:31-45)

³¹*Hapo atakapokuja Mwana wa Adamu katika utukufu wake, na malaika watakatifu wote pamoja naye, ndipo atakapoketi katika kiti cha utukufu wake; ³²na mataifa yote watakusanyika mbele zake; naye atawabagua kama vile mchungaji abaguavyo kondoo na mbuzi; ³³atawaweka kondoo mkono wake wa kuume, na mbuzi mkono wake wa kushoto. ³⁴Kisha Mfalme atawaambia wale walioko mkono wake wa kuume, Njoni, mliobarikiwa na Baba yangu, urithini ufalme mliowekewa tayari tangu kuumbwa ulimwengu; ³⁵kwa maana nalikuwa na njaa, mkanipa chakula; nalikuwa na kiu, mkaninywesha; nalikuwa mgeni, mkanikaribisha; ³⁶nalikuwa uchi, mkanivika nalikuwa mgonjwa, mkaja kunitazama; nalikuwa kifungoni, mkanijia. ³⁷Ndipo wenye haki watakapomjibu, wakisema, Bwana, ni lini tulipokuona una njaa, tukakulisha, au una kiu tukakunywesha? ³⁸Tena ni lini tulipokuona u mgeni, tukakukaribisha, au u uchi, tukakuvika? ³⁹Ni lini tena tulipokuona u mgonjwa, au kifungoni, tukakujia? ⁴⁰Na Mfalme atajibu, akiwaambia, Amin, nawaambia, kadiri mlivyomtendea mmojawapo wa hao ndugu zangu walio wadogo, mlinitendea*

*mimi.*⁴¹ *Kisha atawaambia na wale walioko mkono wake wa kushoto, Ondokeni kwangu, mliolaaniwa, mwende katika moto wa milele, aliowekewa tayari Ibilisi na malaika zake;*⁴² *kwa maana nalikuwa na njaa, msinipe chakula; nalikuwa na kiu, msininyweshe;*⁴³ *nalikuwa mgeni, msinikaribishe; nalikuwa uchi, msinivike; nalikuwa mgonjwa, na kifungoni, msije kunitazama.*
*⁴⁴Ndipo hao pia watajibu, wakisema, Bwana, ni lini tulipokuona wewe una njaa, au una kiu, au u mgeni, au u uchi, au u mgonjwa, au u kifungoni, tusikuhudumie?*⁴⁵ *Naye atawajibu, akisema, Amin, nawaambia, Kadiri msivyomtendea mmojawapo wa hao walio wadogo, hamkunitendea mimi.*

Kama Wakristo ina maana gani kuwa nuru? Ni kila kitu tunachofanya na kusema. Ikiwa tumezaliwa upya na maisha yetu yamebadilishwa na Yesu basi wengine wanatakiwa kushuhudia jinsi tunavyoishi maisha yetu. Tunahitaji kuwa tofauti na wale walio karibu nasi.

Nuru inaweza kuangazia chumba kizima. Inaweza kuondoa giza. Giza haliwezi kutowesha nuru. Hivyo ndivyo inavyotupasa tuishi. **Maisha yetu yanatakiwa kuwa tofauti na kusababisha mabadiliko kwa wale walio karibu nasi. Kwa njia hii, nuru itaenea kutoka kwa mtu mmoja hadi mwingine.**

Yesu alikuwa katika hadithi hii ya kwamba tutakapokufa, au Yesu atakaporudi, tutasimama mbele zake. Atatuambia ya kwamba alikuwa njaa na tukamsaidia, na kuwa alikuwa na kiu tukamnywesha. Tutachanganyikiwa kwa kuwa hatutakumbuka kukutana na Yesu na kumsaidia.

Yesu hakuwa na maana hiyo hata hivyo. Alimaanisha kuwa kila mara tunapomsaidia mtu, tunamlisha. Tunapowasaidia watu, huwa kama kumfanyia Yesu, si kwa mtu yule tu.

Yesu anataka tuwapende watu. Anataka tuwasaidie watu. **Nuru yetu si kueleza watu kuhusu Yesu tu, ni kuwaonyesha Yesu ni nani kupitia yale yote tunayoyasema na kuyatenda.**

Hayo, kama vile kifungu cha Biblia kinavyosema, ni kuacha nuru yetu iangaze mbele ya watu na imekusudiwa kuwa kubwa na kubwa na kubwa. Hatutarajiwi kuwazia jinsi ambavyo tunaweza kujiwekea upendo huu wa Mungu wenyewe binafsi.

Ikiwa mshumaa umefichwa au haukuwashwa, haileti tofauti kabisa kwa giza lililopo kando yake. Itakuwa sawa kutokuwepo. Kwa namna nyiningine unachangia kuwepo kwa giza kwa kutofanya chochote. Ni wakati tu mshumaa umewashwa na miale inatokea ndipo itakapotowesha giza. Mshumaa umekusudiwa kuwaka na kutoa mwanga. Nasi pia tunatakiwa kuendelea kuwaka tukitoa nuru. Giza linatakiwa kutoweka na lisirudi tena tunapoendelea kuwa nuru.

Kwa ajili ya kijiji chetu au kijiji jirani, kwa nini tusipeane mafunzo haya kwa mtu mwingine au kuanzisha kikindi kwengine, ili pia nao waweze kuwa nuru kule wanakoishi.

?

Mjadala

Ingieni katika makundi ya karibu watu 3 au 4. Jadilini maswali yafuatayo, mkiwaeleza watu waeleze wengine katika kikundi maoni yao wanapomaliza kujadiliana.

- Ni kitu gani tumejifunza katika mafunzo haya na kitu ambacho tunafanya ambacho hatukufanya hapo awali?
- Ni matatizo yapi tunayokumbana nayo na vipi tunaweza kuyashinda haya matatizo?
- Je tumeanza kuwa nuru katika kijiji chetu?



Maombi

Ingieni katika makundi ya wawili wawili na muombeane kuhusu yafuatayo.

- Omba kwamba kila mmoja wenu awe na kipawa cha kutumika na kuwasaidia watu.
- Omba kwamba Mungu atatusaidia kupata njia mpya za kufanya haya.

Kisha kama kikundi kizima

- Ombeni kuhusu mradi mnaofanya, ili kwamba Mungu aufanikishe. Ombeni kuwa utapeana nuru kwa watu wa kijiji chenu.
- Ombeni kwamba Mungu atawasaidia kuwaeleza watu wengine kuhusu kile ambacho mmekuwa mkifanya na muhimu zaidi kuhusu kwa nini mnafanya hayo.



Kifungu cha Bibilia

Wasomee wanakikundi kifungu cha Biblia kwa nguvu. Kisha, wasaidie kukifahamu kwa kukikariri kwa nguvu mara kadhaa, huku wanakikundi wakirudia baada yako.

Vivyo hivyo nuru yenu na iangaze mbele ya watu, wapate kuyaona matendo yenu mema, wamtukuze Baba yenu aliye mbinguni.

Mathayo 5:16



Mfano wa Kuigwa: Kanisa la Kwanza

Simulia hadithi hii kwa kila mmoja ili kuwatia moyo.

Hadithi ya Kanisa la Kwanza katika Kitabu cha Matendo ya Mitume ni

hadithi ya kusisimua. Inatueleza jinsi habari ya Yesu ilivyoenezwa kutoka kwa marafiki wa Yesu hadi mji wa maana kubwa sana wakati huo, Roma.

Haya yalifanyika kwa njia tofauti, lakini ya muhimu sana ni kwamba watu wengi zaidi na zaidi wanahusika. Haikuwa tu kuhusu mtu mmoja; ilikuwa kuhusu watu wengi wakifanya kazi pamoja kufanya mapenzi ya Mungu.

Mtume Paulo alikuwa mtu wa muhimu katika kitabu cha Matendo ya Mitume. Alikuwa akienda safari ndefu na kusaidia watu kumfahamu Yesu. Angekusanya kundi katika sehemu moja na kuwafunza. Wakati mwingine watu wangepona na wakati mwingine watu wangesaidiwa. Paulo alitambua kuwa hangeweza kuyafanya yote, kwa hivyo aliendelea kuwahimiza watu aliokutana nao wajihushe kwa kazi pia.

Hatimaye Paulo aliuwawa kwa kuwa Mkristo, lakini kazi yake inaendelea hata leo kwa sababu aliwasaidia watu wengine, aliwaonyesha Yesu na pia aliwaamini. Aliamini kuwa Mungu angeweza kuwatumia kufanya mambo makuu.

Kama kanisa la kwanza tunaweza kufanya hivyo. Tunahitajika kuamini watu wengine. Labda tunaweza kusaidia watu wengi kadri tuwezavyo, na pia tunaweza kushiriki mafunzo haya na wengine ili wajifunze jinsi ya 'Kupenda Kijiji Chao' pia.

?

Mjadala

Ingieni katika makundi ya karibu watu 3 au 4. Jadilini maswali yafuatayo, uwaulize waelezee wengine katika kikundi mawazo yao baada ya kumaliza kujadiliana.

- Tunawezaje kueneza 'nuru' hii na watu wengine katika kijiji

chetu au vijiji jirani?

- Ni nani tunaweza kushiriki naye mafunzo haya na kutenda, kusaidia kuwa nuru katika kijiji?

Andika orodha ya majina ya watu na uchukue kama jukumu la kuwaeleza kuhusu Yesu na uwahimize kuchukua hatua ya kupenda kijiji chao binafsi.



Kifungu cha Bibilia

Wasomee wanakikundi kifungu cha Biblia kwa nguvu. Kisha, wasaidie kukifahamu kwa kukikariri kwa nguvu mara kadhaa, huku wanakikundi wakirudia baada yako.

Vivyo hivyo nuru yenu na iangaze mbele ya watu, wapate kuyaona matendo yenu mema, wamtukuze Baba yenu aliye mbinguni.

Mathayo 5:16



Kazi ya Wiki

Wiki hii unapaswa uendelee kufanya mradi wako mdogo. Katika majuma yajayo utahitajika kuendelea na hili na kuendelea kusaidia watu katika kijiji chenu. Vile vile ukiwaeleza watu kuhusu Yesu, haya ndio yanayokupasa kufanya kama Mkristo.

Utakuwa umetambua huu ndio mwisho fundisho. Hata hivyo, hii haimaanishi tuisitishe kufana vitu tulivyojitolea kufanya. Kila wiki mnahitajika kuendelea kukusanyika pamoja na kuendelea kutekeleza kazi mlizoanzisha. Tumekuwa tukijaribu kuwasaidia kuona kile ambacho mnaweza mkafanya.

Kwa kuwa ni wiki ya mwisho, tunataka ufanye kitu cha kipekee. Kwa nini usiwakaribishe watu wengine katika kijiji chenu kwa pamoja au

hata kwenda katika kijiji jirani na muwaeleze kuhusu mafunzo na kile ambacho mmekuwa mkifanya. Toeni ushuhuda wenu wa jinsi yalivyowasaidia. Kisha wahimizeni kuanza mafunzo na muwape nakala au mtengeneze chapa ya nakala ya kitabu hiki. Hii ina maana kuwa huenda mkahitajika kutoa muda na pesa kutoa nakala ya kitabu au kusaidia kuanzisha kikundi kingine. Katika kufanya hivyo, unaweza kusaidia wengine katika safari yao yao na Mungu na pia kuwasaidia ‘Kupenda Kijiji Chao’.

Vifungu vya Bibilia

Nasi tumelifahamu pendo alilo nalo Mungu kwetu sisi, na kuliamini. Mungu ni upendo, naye akaaye katika pendo, hukaa ndani ya Mungu, na Mungu hukaa ndani yake.

1 Yohane 4:16

Alipoonekana ana umbo kama mwanadamu, alijinyenyekeza akawa mtii hata mauti, naam, mauti ya msalaba.

Wafilipi 2:8

Bali wote waliompokea aliwapa uwezo wa kufanyika watoto wa Mungu, ndio wale waliaminio jina lake; waliozaliwa, si kwa damu, wala si kwa mapenzi ya mwili, wala si kwa mapenzi ya mtu, bali kwa Mungu.

Yohane 1:12-13

Msijiwekee hazina duniani, nondo na kutu viharibupo, na wevi huvunja na kuiba; bali jiwekeeni hazina mbinguni, kusikoharibika kitu kwa nondo wala kutu, wala wevi hawavunji wala hawaibi; kwa kuwa hazina yako ilipo, ndipo utakapokuwapo na moyo wako.

Mathayo 6:19-21

Na wote walioamini walikuwa mahali pamoja, na kuwa na vitu vyote shirika, wakiuza mali zao, na vitu vyao walivyokuwa navyo, na kuwagawia watu wote kama kila mtu alivyokuwa na haja.

Matendo 2:44-45

Akajibu akasema, Mpende Bwana Mungu wako kwa moyo wako wote, na kwa roho yako yote, na kwa nguvu zako zote, na kwa akili zako zote; na jirani yako kama nafsi yako.

Luka 10:27

Bali utafuteni kwanza ufalme wake, na haki yake; na hayo yote mtazidishiwa.

Mathayo 6:33

Basi imani ni kuwa na hakika ya mambo yatarajiwayo, ni bayana ya mambo yasiyoonekana...Lakini pasipo imani haiwezekani kumpendeza; kwa maana mtu amwendeaye Mungu lazima aamini kwamba ye ye yuko, na kwamba huwapa thawabu wale wamtafutao.

Waembrania 11:1 na 6

Basi pana tofauti za karama; bali Roho ni ye ye yule. Tena pana tofauti za huduma, na Bwana ni ye ye yule. Kisha pana tofauti za kutenda kazi, bali Mungu ni ye ye yule azitendaye kazi zote katika wote.

1 Wakorintho 12:4-6

Vivyo hivyo nuru yenu na iangaze mbele ya watu, wapate kuyaona matendo yenu mema, wamtukuze Baba yenu aliye mbinguni.

Mathayo 5:16

Maelezo

Penda Kijiji Chako

Penda Kijiji Chako ni kitabu chenye vipindi 10 vya mafunzo yanayokusudiwa kukusaidia wewe pamoja na kikundi cha marafiki katika kijiji chako, jinsi ya Kupenda Kijiji Chako kwa vitendo, kupitia Injili. Kitabu hiki kitakusaidia kujua kwa nini unahitaji kuhusika katika jamii na kukusaidia kufikiria namna ya kufanya hivyo. Bibilia inatupa maoni ya muhimu ambayo tukiyajadili kwa pamoja na kuyafanyia kazi yatatusaidia kubadilisha maeneo tunayoishi.

Wasiliana nasi hello@dignityonline.org.uk au
+44(0)7340 573 937.
Kwa upeo kamili wa yetu vitabu tembelea:
www.dignityonline.org.uk/publications

English 4th Edition
Cover image: Amani Brown